

于鵠詩集目錄

江南曲

山中寄樊僕射

題宇文裒山寺讀書院

贈蘭若僧

題鄰居

山中自述

山中寄韋鉦

南谿書齋

夜會李太守宅

題柏臺山僧

寄續尊師

題南峯褚道士

贈不食姑

送李明府歸別業

題樹下禪師

宿王尊師隱居

題服柏先生



哭凌霄山光上人 塗中寄楊涉

送韋判官歸薊門 出塞 三首

贈李太守 送張司直入單于

惜花 春山居

遊瀑泉寺 送宮人入道歸山

巴女謠 公子行

長安遊 別齊太守

登古城 哭劉夫子

醉後寄山中友人 溫泉僧房

題美人 尋李暹

尋李逸人舊居 贈碧玉

舟中月明夜聞笛 送遷客 二首

贈王道者 題合溪乾洞

過張老園林 襄陽看花

哭王都護 錢司農宋卿立太尉

碑了還江東 送唐大夫讓節歸山

買山吟 古詞 三首

秦越人洞中詠 宿西山修下元齋詠

過凌霄洞天謁張先生祠

蚤上凌霄第六峯入紫谿禮白鶴觀祠

山中訪道者

寄盧儼負外秋衣詞

種樹

哭李暹

古輓歌 三首

悼孩子

別舊山

寄周暉

補遺

野田行

塞上曲

襄陽寒食

于鵠詩集目錄

于鵠詩集

江南曲

偶向江邊採白蘋還隨女伴賽江神衆中不敢  
分明語暗擲金錢卜遠人

山中寄樊僕射

却憶東溪日同年事魯 英華作 儒僧房閑共宿酒

肆醉相扶天畔雙旌貴山中病客孤無謀 英華作 還

有計春谷種桑榆

題宇文裒 一作 山寺讀書院

讀書林下寺不出動經年草閣連 美華作 僧院山厨

共石泉雲

英華作學

庭無履跡龕壁有燈煙年少今頭

白刪詩到幾篇

贈蘭若僧

一身禪誦苦灑掃古花宮靜室門常閉深蘿月  
不通懸燈喬木上鳴磬亂幡中附入高僧傳長  
稱二遠公

題鄰居

僻巷鄰家少茅簷喜並居蒸梨常共竈澆蕪亦  
同渠傳屐朝尋藥分燈夜讀書雖然在城市還  
得似樵漁

山中自述

三十無名客空山獨卧秋病多知藥性年長信  
人愁螢影竹窻下松聲茅屋頭近來心更靜不  
夢世間遊

山中寄韋鉦

一作証

癩成身病日英華作似病因醉卧多時送客出谿少讀書  
終卷遲幽窻聞隊葉晴景見遊絲早晚來收藥  
門前有紫芝

南谿書齋

茅屋住來久山深不置門草生垂井口花落擁

籬根入院將鷓鴣鳥尋蘿抱子猿曾逢異人說風景似桃源

四六 夜會李太守宅 英華作宿太守李公宅

郡齋常夜掃 英華作靜 不卧獨吟詩把燭迎幽客升堂戴接羅微風吹凍葉餘 英華作殘 雪落寒枝明日逢山伴須令隱者知

四七 題栢臺山僧

上方唯一室禪定對山容行道臨孤壁持齋聽遠鐘枯藤離舊樹朽石落高 英華作危 峯不向雲間見還應夢裏逢

四八 寄續尊師

得道任髮白亦逢城市遊新經天上取稀藥洞中收春木帶枯葉新蒲生漫流年年望靈鶴常在此山頭

四九 題南峯褚道士 英華作終南褚尊師

得道南山久曾教四皓暮閉 一作開 門醫病鶴倒篋養神龜松際風長在泉中草不衰誰知茅屋裏有路向栽眉

五〇 贈不食姑

不食非關藥天生是女仙見人還起拜留伴亦

開田無窟一作屋尋溪宿兼衣掃葉眠不知何代女  
猶帶剪刀錢

四二 送李明府歸別業

寄家丹水邊歸去種春田白髮無知己空山又  
一年鹿裘長酒氣茅屋有茶煙亦擬辭人世何  
溪有瀑泉

三九 題樹下禪師一作僧

久行多不定樹下是禪房寂寂心英華作身無住年年  
日自長蟲虵同宿礪草木共經霜已見南人說  
天台有舊英華作上房

四三 宿王尊師隱居

夜愛雲林好寒天月裏行青牛眠樹影白犬吠  
猿聲一磬山院靜千燈谿路明從來此峯客幾  
箇得長生

七十一 題服栢先生

服栢不飛鍊閑眠閑草堂有泉唯盥漱留火爲  
焚香新雨閑門靜孤松滿院涼仍聞枕中術曾  
授漢淮王

六 哭凌霄山光上人

身沒碧峰裏門人改葬期買山尋主遠壘塔化

人遲鬼火穿一作空院秋螢入素帷黃昏溪路上  
聞哭竺軋師

途中寄楊涉一作

蕭蕭蘆葦晚一逕入荒陂日色雲收英華作輕處蛙聲  
雨歇時前村見來父羸馬自行遲聞作王門客

應閑英華作寒白接羅

送韋判官歸薊門一作

桑乾歸路遠聞說亦愁人有雪常經夏無花空  
到春下營雲外火收一作馬月中塵白首從戎客  
青衫未離身

出塞

葱嶺秋塵起全軍取月支山川引行陣蕃漢列  
旌旗轉戰疲兵少孤城外救遲邊人逢聖代不  
見偃戈時

又

微雪軍將一作出吹笳天未明觀兵登古戍斬將  
對雙旌分陣瞻山勢潛兵制馬鳴如今青一作史  
上已有滅名

史塞曲

單于嬌愛獵放火到軍城乘月調新馬一作防秋

置遠營空山朱戟影寒磧鐵衣聲度水逢

英華作逢著降

說沙陰有伏兵

贈李太守

幾年為郡守家似布衣貧沽酒迎幽客無金與  
近臣擣茶書院靜講易藥堂春歸闕功成後隨

車有野人

送張司直入單于

若過并州北誰人不憶家塞深無伴侶

英華作去伴

路盡

有平沙磧冷唯逢鴈天春不見花莫隨征將意

垂老事輕車

惜花

夜來花欲盡始

英華作作偏

惜兩三枝早起尋稀處閑眠

記落時藥焦蜂自散蒂折蝶還移攀着殷勤別

明年更有期

春山居

獨來多任性惟與白雲期深處花開盡遲眠人

不知水流山暗處風起月明時望見南峯近年

年嬾更移

遊瀑泉寺

日斜尋未遍古木寺高低粉壁猶遮嶺朱樓尚



隔溪厨窗通澗鼠殿跡立山雞更有無人處  
朝獨向西

三五

送宮人入道歸山

十歲英華作五吹簫入漢宮看修水殿種芙蓉自傷白  
髮辭金屋許着黃衣向玉一作雪峯解語老猿開曉  
戶學飛鷓鴣鶴落高松定知別後宮中伴應聽  
山半夜鍾

三

巴女謠

巴女騎牛唱竹枝藕絲菱葉傍江時不愁日暮  
還家錯記得芭蕉出槿籬

三

公子行

少年初拜大長秋半醉垂鞭見列侯馬上抱雞  
三市鬪袖中攜劔五陵遊玉簫金管迎歸院錦  
袖紅裝擁上樓更向苑西英華作東新買宅月波春水  
入門流

三

長安遊

久卧長安春復秋五侯長樂客長愁繡簾朱轂  
逢花住錦幃銀珂觸雨遊何處少年吹玉笛誰  
家鸚鵡語紅樓年年只是看他貴不及南山任  
白頭

別齊太守

花裏南樓春夜寒，還如王屋上天壇。歸山不道無明月，誰共相從到曉看。

登古城

獨上閑城却下遲，秋山慘慘塚累累。當時還有登城者，荒草如今知是誰。

哭劉夫子

近問南州客，云亡已數春。痛心曾受業，追服恨無親。孀婦歸鄉里，書齋屬四鄰。不知經亂後，奠祭有何人。

醉後寄山中友人

昨日山家春酒濃，野人相勸久從容。獨憶卸冠眠細草，不知誰送出深松。都忘醉後逢廉度，不省歸時見魯恭。知己尚嫌身酪酊，路人應恐笑龍鍾。

溫泉僧房

雲裏前朝寺，修行獨幾年。山村無施食，盥漱亦安禪。古塔巢溪鳥，深房閉谷泉。自言曾入室，知處梵王天。

題美人

秦女窺人不解羞  
攀花趁蝶出墻頭  
胸前空帶宜男草  
嫁得蕭郎愛遠遊

尋李暹

任性常多出人來  
得見稀市樓逢酒  
住野寺送僧歸  
簷下懸秋葉籬頭  
曬褐衣門前南北  
路誰肯入柴扉

尋李逸人舊居

舊隱松林下  
衝泉入兩涯  
琴書隨弟子  
雞犬在鄰家  
茅屋長黃菌  
槿籬生白花  
幽墳無處訪  
恐是入煙霞

贈碧玉

新繡籠裙豔蕊花  
路人笑上返金車  
霓裳禁曲無人解  
暗問梨園弟子家

舟中月明夜聞笛

浦裏移舟候信風  
蘆花漠漠夜江空  
更深何處人吹笛  
疑是孤吟寒水中

送遷客二首

得罪誰人送來時  
不到家白頭無侍子  
多病向天涯  
莽蒼凌江水  
黃昏見塞花  
如今賈誼賦不漫說長沙

流人何處去萬里向江州孤驛瘴煙重行人巴  
草秋上帆南去遠送鴈北看愁遍問炎方客無  
人得白頭

五 贈王道者

一作贈  
隱者

去尋長不出門似絕人行床下石苔滿屋頭秋  
草生學琴寒月英華短寫易晚英華窻明唯到黃昏  
後溪中間磬聲

四九 題合溪軋洞

渡水傍山尋絕壁白雲飛處洞天開仙人來往  
行無跡石逕春風長綠苔

吳

過張老園林

一作村園

身老無修飾頭巾用白紗開門朝掃逕輦一作  
濾水  
夜澆花藥氣聞深巷桐陰到數家不愁還酒債

腰下有丹砂

六十三

襄陽看花

時果續信楚尚書惜洛花御覽  
集題作襄陽看花時因小變作

自小一作  
老夫看花長不足江邊尋得數英華株紅黃昏  
人散東風起吹落誰家明月中

六十一

哭王都護

老將明王識臨終拜上公生口哀鄉路遠助葬一作  
戰  
戍城空素幔朱門裏銘旌秋巷中史官如不濫

獨傳說英雄

三 錢司農宋卿立太尉碑了還江東

追立新碑日憐君苦一身遠移深澗石助立故鄉人草色荒墳綠松陰古殿春平生心已遂歸去得垂綸

李六

送唐大夫讓節

英華有度使二字

歸山

才調集作送唐中丞入道

年老功成乞罷兵玉階匍匐進雙旌朱門鴛瓦為仙觀白領狐裘出帝城侍女休梳宮樣髻蕃童新改道家名到時浸髮春泉裏猶夢紅樓簫管聲

李

買山吟

買得幽山一作居屬漢陽槿籬踈處種桃柳唯有獼猴來往熟弄人拋果滿書堂

李

古詞

素絲帶金地窻間掬飛塵偷得鳳凰釵門前乞行人

李

文詞

新長青絲髮啞啞言語點隨人敲銅鏡街頭救明月

五十七

表詞

東家新長兒與妾同時生並長兩心熟到大相  
呼名

五十七 秦越人洞中詠

扁鵲得仙處傳是西南峯年年山下人長見騎  
白龍洞門黑無底日夜唯雷風清齋將入時戴  
星吳華作花兼抱松石逕陰且寒地響知遠鐘似行山  
林外聞葉履聲重低礙更俯身漸遠晝夜同時  
時白蝙蝠飛入茅衣中行又路轉窄靜聞水淙  
淙但願逢一人自得朝天宮

五十四 宿西山修下元齋詠

幽人在何處松檜深冥冥西峯望紫雲知處安  
期生沐浴溪水暖新衣禮仙名脫屣入靜堂遶  
像隨禮行碧紗籠寒燈長幡綴金鈴林下聽法  
人起坐枯葉聲啓奏修律儀天曙山鳥鳴分行  
布管茅列坐滿中庭持齋候撞鍾玉函散寶經  
焚香開卷時照耀金室明投簡石洞深稱過上  
帝靈學道能苦心自古無不成

五十三 過凌霄洞天謁張先生祠

戢戢亂峯裏一峯獨凌天下看如尖高上有十  
里泉志英華作至人愛幽深一住五十年懸牘一作牘到其

上乘牛耕藥田衣食不下求乃是雲中山僧  
獨知處相引衝碧煙斷崖晝昏黑槎枲橫隻一作雙  
椽面壁攀石稜養力方敢前累歇日已沒始到  
茅堂邊見客不問誰禮質無周旋醉卧枕欹樹  
寒坐展青氈折松掃藜牀秋菓顏色鮮鍊蜜敲  
石炭洗澡乘瀑泉白犬舐客衣驚走聞腥膻乃  
知軒冕徒寧比雲壑眠

五十二

早上凌霄第六峯入紫谿禮白鶴觀祠  
路轉第六峯傳是十里程放石試淺深硯壁蛇  
鳥驚欲下先褰衣路底一作低避枯莖迴途歇嵌窟

整帶重冠纓及到紫石溪掩掩已天明漸近神  
仙居桂花濕溟溟陰苔無人蹤時得白鶴翎忽  
然見朱樓象牌題玉京沉沉五雲影香風散縈  
縈清齋上玉英華作列上堂窻戶懸水精青童撞英華作作搗金  
屑杵臼聲丁丁膾腥遙問誰稽首稱姓名若容  
在溪口願乞殘雲英

五

山中訪道者

英華作入白芝溪尋黃尊師

觸煙入溪口岸岸

英華作茫茫

唯檉櫟其中盡

英華作飛

碧流十

里不通屐出林山始轉絕徑緣峭壁把藤借行  
勢側足憑石脉感牙斷行處光滑猿猱跡忽然

風景異乃到神仙宅天晴茅屋頭殘雲蒸氣白  
隔窻梳髮聲久立聞吹笛英華作憤抱琴出門來不顧  
人間客山院不灑掃四時自虛寂落葉埋長松  
出地纔數尺曾讀上清經知注長生籍願示不  
死方何山有瓊液

李五

寄盧儼負外秋衣詞

寄遠空以心心誠亦難知篋中有秋帛裁作遠  
客衣縫製雖女功尺度手自持容貌常目中長  
短不復疑斜縫密且堅遊客多塵緇意欲都無  
言澣濯耐歲時殷勤託行人傳語慎勿遺別來

已年老亦聞鬢成絲縱然更相逢握手唯是悲  
所寄莫復棄願見長相思

三

種樹

一樹新栽益四鄰野夫如到舊山春樹成多是  
人先老垂白看他攀折人

六十七

哭李暹

驅馬街中哭送君靈車碾雪隔城聞唯有山僧  
與樵客共舁孤櫬入幽墳

三十三

古挽歌

雙轍出郭門綿綿東西道送死多於生幾人得



終老見此切肺肝英華作肝腸不如英華作惟有歸山好不聞哀  
哭聲默默安懷抱時盡從物化又免生憂擾世  
間壽者稀盡為悲傷惱一作早

六十五  
又

送哭誰家車靈車紫帶長青童抱何物明月與  
香囊可惜羅衣色看昇入水泉莫愁堦道暗燒  
漆得千年

六十四  
文挽歌

陰一作劫風吹黃蒿挽歌渡秋水車馬却歸城孤墳  
月明一作明月裏

五  
悼孩子

年長始一男心亦頗自娛生來歲未周奄然却  
歸無裸送不以衣瘞埋於中衢乳母抱出門所  
生亦隨呼嬰孩無哭儀禮經不可踰親戚相問  
時抑悲空歎吁襁褓在舊牀每見立踟躕靜思  
益傷情一作惜畏老為獨夫

三十四  
別舊山

舊伴同游盡却回雲中獨宿守花開自是去人  
身漸老暮山流水任東來

三十五  
寄周暉

家在荒陂長似秋  
蓼花芹葉水蟲幽  
去年相伴尋山客  
明月今宵何處遊

補遺

野田行

日没出古城野田何茫茫  
寒狐上孤冢鬼火燒

白楊昔人未為泉下客  
若到此中還斷腸

見唐文粹

塞上曲

行人朝走馬直走薊城旁  
薊城通漢北萬里別

吳鄉海上二烽火沙中百戰場  
軍書發上郡春色渡河陽

色渡河陽裊裊漢宮柳  
青青地桑琵琶出塞

曲橫笛斷君腸

襄陽寒食

煙水初銷見萬家  
東風吹柳萬條斜  
大堤欲上

誰相伴馬踏春泥半是花

見唐詩類苑

假群碧樓唐詩舊鈔本一校篇中兩注一作其者大抵皆奉名選本而為大襄陽寒食者則鈔本兩無也

于鵠詩集

東山席氏悉尔來  
本物于琴川書屋

楊少尹詩集目錄

河中 楊 巨源 景山

秋夜閑居即事寄廬山鄭負外蜀郡符處

士 獨不見

題趙孟莊 辭魏博田尚書出境

後感恩戀德因登藜臺

夏日苦熱同長孫主簿過仁壽寺納涼

送李虞仲秀才歸東都因寄元李二友

和盧諫議朝回書情即事寄兩省閣老兼

呈二起居諫院諸院長

奉酬竇郎中早入省苦寒見寄

野園獻果呈負外 大堤曲

楊花落 月宮詞

贈從弟茂卿 烏啼曲贈張評事

端午日伏蒙內侍賜晨服

姬詞 春日有贈

襄陽樂 關山月

長城聞笛 春晚東歸留贈李功

曹 送殷負外使北蕃

送許侍御充雲南哀冊使判官

秋日題陳宗儒圃亭悽然感舊

和鄭少師相公題慈恩寺禪院

同趙校書題普救寺

春日與劉評事過故證上人院

春雪題興善寺廣宣上人竹院

清明日后土祠送田徹

酬令狐負外直夜書懷見寄

題表丈三大夫書齋

春日送沈贊府歸潯陽覲叔文

與李文仲秀才同賦泛酒花詩

登寧州城樓

同薛侍御登黎陽縣

樓眺黃河

和權相公南園閑涉

寄廣宣上人

供奉定法師歸安南

池上竹

長安春遊

送定法師歸蜀法師即紅樓院供奉廣宣

上人兄弟

早朝

贈張將軍

和侯大夫秋原山觀

征人回

送人過衛州

寄中書同年舍人

酬于駙馬二首

將歸東都寄令狐舍人

寄江州白司馬

薛司空自青州歸朝

送章孝標校書歸杭州因寄白舍人

述舊紀勲寄太原李光顏侍中二首

酬盧貞外

古意贈王常侍

送裴中丞出使

送絳州盧使君

贈李傅

上裴中丞

和人與人分惠賜冰

觀打球有作

蚤春即事呈劉貞外

送司徒童子

寄昭應王丞

酬崔博士

酬裴舍人見寄

和劉貞外陪韓僕射野亭公宴

酬崔駙馬惠箋百張兼貽四韻

贈史開封 奉寄通州元九侍御

贈渾鉅中允 重送胡大夫赴振武

送陳判官罷舉赴

奉和裴相公 和大夫邊春呈長安

親故 張郎中段貞外初直

翰林報寄長句 奉酬端公春雪見寄

盧郎中拜陵遇雪蒙見召因寄

冬至陪丘侍御先輩聽崔校書彈琴

元日含光殿下立伏丹鳳樓門下宣赦相

公稱賀 二首 元日觀朝

題賈巡官林亭 和元貞外題昇平里

新齋 送澹公歸嵩山龍潭

寺葬本師 邵州陪王郎中宴

和令狐舍人酬峯上人題山欄孤竹

寄贈田倉曹灣 上劉侍中

贈侯侍御 懷德抒情寄上信州

座主 送杜郎中使君赴虔

州 別鶴詞送令狐校書

之桂府

夏日裴尹負外西齋

看花

贈鄰家老將

和呂舍人喜張負外自北番迴至境上先

寄二十韻

春日奉獻聖壽無疆

十首

啣魚翠鳥

和鄭相公尋宣上人<sub>不遇</sub>

題范陽金臺驛

寄薛侍御

賦得灞岸柳留辭鄭負外

折楊柳

雪中聽箏

盧龍塞行送韋掌記

二首

題五老峯下費君書院

僧院聽琴

和武相公春曉聞鶯

唐昌觀玉蕊花

山中主人

太原贈李屬侍御

崔娘詩

題雲師山房

城東蚤春

秋日登亭贈薛侍御

石水詞

二首

荅振武李逢吉判官

宮燕詞

贈崔駙馬

聽李憑彈箏篴

二首

臨水看花

觀妓人入道

二首

方城驛逢孟侍御

題清涼寺

酬令狐舍人

和令狐郎中

補遺

失題

春日題龍門香山寺

寄申州盧拱使君

楊少尹詩集目錄

楊少尹詩集

河中 楊巨源 景山

秋夜閑居即事寄廬山鄭員外蜀郡符

處士

憂思繁未整良辰會無由引領遲佳音星紀屢

以周蓬閔絕華耀况乃處窮愁墜葉寒擁砌燈

火一作光夜悠悠開琴弄清弦窺月俯澄流冉冉鴻

鴈度蕭蕭帷箔秋悵懷石門詠緬慕一作邀碧雞遊

髣髴蒙顏色崇蘭隱芳洲

獨不見



東風艷陽色柳綠花如霰競理同心髮爭持合  
歡扇香傳賈娘手粉離何郎面最恨卷簾時合  
情獨不見

題趙孟莊

管鮑化爲塵交友存如線昇堂俱自媚得路難  
相見懿君敦三益頽俗期一變心同襲芝蘭氣  
合迴霜霰石門雲卧久玉洞花尋遍王濬愛旌  
旗梁竦勞州縣煙鴻秋更遠天馬寒愈健願事  
郭先生青囊書幾卷

辭魏博田尚書出境後感恩慈德因登

藜臺

一本此下有  
卻贈二字

薦書及龍鍾此事鏤心骨親知殊浪浪一作恨恨徒御

方咄咄

賓朋愴列  
僉僕請行

藜臺邯鄲郭臺上見新月離恨

始分明

更超忽懷仁淚空盡感事情又發

他時躡履聲曉日照丹闕

夏日苦熱同長孫主簿過仁壽寺納涼

火入天地鑪南方正何劇四郊長雲紅六合太  
陽赤赫赫沸泉壑燄燄焦砂石思減祝融權期  
匡諸子宅因投竹林寺一問青蓮客心空得清  
涼理證等喧寂開襟天籟迴步履雨花積微風

動珠簾惠氣入瑤席境閑性方謚塵遠趣皆適  
淹駕殊未還朱欄敞虛碧

送李虞仲秀才歸東都因寄元李二友

高翼閑未倦孤雲曠無期晴霞海西畔秋草燕  
南時鄴中多上才耿耿丹霄姿顧我於逆旅與  
君發光儀同將儒者方獲忝攜一作人知幽蘭與  
芳佩寒玉鏘美詞舊友在伊洛鳴蟬思山陂到  
來再春風夢盡雙瓊枝素業且無負青冥殊未  
遲南橋天氣好脉脉一相思

和盧諫議朝回書情即事寄兩省閣老

兼呈二起居諫院諸院長

寵位資

用回頭憐二踈超遙比鶴性皎潔同

僧居華組澹無累單牀歡有餘題思天風灑屬  
思紅霞舒藹藹延閣東晨光映林初爐香深內  
殿山色明前除對客默焚橐何人知諫書全仁  
氣逾勁大辨言甚徐逸步寄青瑣閑吟親綺疏  
清輝被鸞渚瑞藹含龍渠謝監營野墅陶公愛  
吾廬悠然遠者懷聖代飄長裾端弼緝元化至  
音生太虛一戎殄攬搶重譯充儲胥借地種寒  
竹看雲憶春蔬靈機棲杳冥談笑登軒車晚跡

識麒麟秋英見芙蓉危言直且莊曠抱鬱以摠  
志業耿冰雪光容粲璠璣時賢儼仙掖氣謝心  
何如

奉酬竇郎中早入省苦寒見寄

玄冥怒含風群物戒嚴節空山頑石破幽澗層  
冰裂題詩金華彥接武丹霄烈曠懷玉京雲孤  
唱粉垣雪窮陰總凝沍正氣直肅殺天狼看墜  
地霜兔敢拒穴悠然蓬蒿士亦得奉朝謁羸駮  
苦遲遲單僕怨切切端闈仙堦邃廣陌凍橋滑  
旭日鴛鷺行瑞煙芙蓉闕司寒申鄭重成歲在

凜冽謝監逢酒時素生閉門月漸思霜霰減欲  
報陽和發誰家挾纊心何地當鑪熱慘舒能一  
改恭聽遠者說

野園獻果呈負外

西園果初熟上客心逾愜凝粉乍辭枝飄紅仍  
帶葉幽姿寫瓊實殷彩呈粧頰持此贈佳期清  
芬羅袖裛

大堤曲一作詞

二八嬋娟大堤女開壚相對依江渚待客登樓  
向水看邀郎捲幔臨花語細雨濛濛濕芰荷巴

東商侶掛一作駐帆多自傳芳酒澆紅袖誰調妍粧  
迴翠娥珍簟華燈夕陽後當壚理瑟矜纖手月  
落星微五鼓聲春風搖蕩窓前柳歲歲逢迎沙  
岸間北人多識綠雲鬟無端嫁與五陵少離別  
煙波傷玉顏

楊花落

北斗南迴春物老紅英落盡綠一作綠尚早韶風澹  
蕩無所依偏惜垂楊作春好此時可憐楊柳花  
榮一作榮盈艷曳滿人家人家女兒出羅幙靜掃玉  
庭待花落寶環纖手捧更飛翠羽輕裾承不着

歷歷瑤琴舞金陳菲紅拂黛憐玉人東園桃李  
芳已歇獨有楊花嬌暮春

月宮詞

宮中月明何所似如積如流滿田地迴過前殿  
曾學眉迴照長門慣催淚昭陽昨夜秋風來綺  
閣金鋪情影開藻井浮花共陵亂玉階零露相  
徘徊稍映明河泛仙馭滿窓猶在更衣處管絃  
迴燭無限情環佩憑欄不能去皎皎蒼蒼千里  
同穿煙飄葉九門通珠簾欲卷畏成水瑤席初  
陳驚似空復值君王事歡宴宮女三千一時見

飛蓋愁看素暈低稱觴願踏清輝遍江上無雲  
夜可憐冒沙披浪自嬋娟若共心賞風流夜那  
比高高太液前

贈從弟茂卿

時欲北遊

吾從一作家驥足揚茂卿性靈且竒才甚清海內方  
微風雅道鄴中更有文章盟扣寂由來在淵思  
搜竒本自通禪智王維證時符水月杜甫狂處  
遺天地流水東西岐路分幽州迢遞舊來聞若  
爲向北驅疲馬山似寒空塞似雲

烏啼曲贈張評事

可憐楊葉復楊花雪淨煙深碧玉家烏栖不定  
枝條弱城頭夜半聲啞啞浮萍流一作搖蕩門前  
水任罨芙蓉莫墮沙

端午日伏蒙內侍賜晨服

綵縷織仍麗凌風卷復開方應五日至應自九  
天來在筭清光發當軒暑氣迴遙知及時節刀  
尺火雲催

姬詞

妍艷照江頭春風好客留當壚知妾慣送酒爲  
郎羞香渡傳蕉扇妝成上竹樓數錢憐皓腕非

是不能留

春日有贈

堤暖柳絲斜風光屬謝家  
晚心應戀水春恨定  
因花步遠憐芳草歸遲  
見綺霞由來感情思獨  
自惜年華

襄陽樂

閑隨少年去試上大堤遊  
畫角栖烏起清絃過  
客愁碑沉楚山石珠徹  
漢江秋處處風情好盧  
家更上樓

關山月

蒼茫臨故關迢遞照秋山  
萬里平蕪靜孤城落  
葉閑露濃栖鴈起天遠  
戍兵還復映征西府光  
深組練間

長城聞笛

孤城笛滿林斷續共霜砧  
夜月降羌淚秋風老  
將心靜過寒壘遍暗入  
故關一作園深惆悵梅花落  
山川不可尋

春晚東歸留贈李功曹

芳田岐路斜脉脉惜年華  
雲路一作絡青絲騎香舍  
翠幃車歌聲仍隔水醉色  
未侵花唯有懷鄉客

東飛羨曙鷗

送殷員外使北蕃

二軒將雨露萬里入煙沙和氣生中國薰風屬  
外家塞蘆隨鴈影關柳拂馳花努力黃雲北仙  
曹有雉車

送許侍御充雲南哀冊使判官

萬里永昌城威儀奉聖明冰心瘴江冷霜憲漏  
天晴荒外開亭候雲南降旆旌他時功自許絕  
域轉哀榮

秋日題陳宗儒圃亭悽然感舊

曾隨何水部待月東亭宿今日重凭欄清風空  
在竹前山依舊碧閑草經秋綠時物方宛然蛛  
絲一何速

和鄭少師相公題慈恩寺禪院

舊寺長桐孫朝天是聖恩謝公詩更老蕭傳道  
方尊白法知深得蒼生要重論若爲將此望心  
地向空門

同趙校書題普救寺

東門高處天一望幾悠然白浪過城下青山滿  
寺前塵光分驛道嵐色到人煙氣象須文字逢

君大雅篇

春日與劉評事過故證一作澄上人院

曾共劉諮議同時事道林與君方掩淚來客是  
知心堪雪凌春積鐘煙向夕深依然舊童子相  
送出花陰

春雪題興善寺廣宣上人竹院

皎潔青蓮客焚香對雪朝竹風吹浙瀝花雨讓  
飄飄觸一作灑石和雲積縈池拂水消只應將日月  
顏色不相饒

清明日后土祠送田徹雜詠作澈

清明千萬家處處是年華榆柳芳辰火梧桐今

日花祭雜詠作登祠結雲綺遊陌擁香車惆悵田郎去

原迴煙樹斜

酬令狐負外直夜書懷見寄

花枝暖欲舒粉署夜方初世職推傳盛春刑是  
減餘芸香能護字鉛槧善呈書此地從頭白經  
年望雉車

題表丈三大夫書齋

盛府自蓮花群公是歲華蘭姿丈人圃松色大  
夫家素卷堆瑤席朱絃映絳紗詩題三百首高



韻照春霞

春日送沈贊府歸潯陽觀叔文

潯陽阮咸宅九派竹林前  
花嶼高如浪雲峰遠似天  
江聲在南巷海氣入東田  
才子今朝去風濤思渺然

與李文仲秀才同賦泛酒花詩

若道春無賴飛花合逐風  
巧知人意裏解入酒杯中  
香濕勝含露光搖似泛空  
請君迴首看一作醉眼幾片舞芳叢

登寧州城樓

宋玉本悲秋今朝更上樓  
清波城下去此意重悠悠  
晚菊臨杯思寒山滿郡愁  
故關非內地一爲漢家羞

同薛侍御登黎陽縣樓眺黃河

倚檻恣流目高城臨大川  
九回紆白浪一半在青天  
氣肅晴空外光翻曉日邊  
開襟值佳景懷抱更悠然

和權相公南園閑步寄廣宣上人

浩氣抱天和閑園載酒過  
步因秋景曠心向晚雲多  
翠玉思迴鳳玄珠肯在鵝  
問一作湯師登幾地

空性奈詩何

供奉定法師歸安南

故鄉南越外萬里白雲峰  
經論辭天去香花入海逢  
鷺濤清梵徹蜃閣化城重心到  
長安陌交州後夜鍾

池上竹

一叢嬋娟色四面清冷波  
氣潤晚煙重光閑秋露多  
翠筠入踈柳清影拂圓荷  
歲晏琅玕實心期有鳳過

長安春遊

鳳城春報曲江頭上客  
年年是勝遊日暖雲山當廣陌  
天清絲管在高樓  
龍葱樹色分仙閣  
縹緲花香汎御溝  
桂壁朱門新邸第  
漢家恩澤問鄴侯

送定法師歸蜀法師即紅樓院供奉廣宣上人兄弟

鳳城初日照紅樓  
禁寺公卿識惠休  
詩引棗華沾一雨  
經分貝葉向雙流  
孤猿學定前山夕  
遠鴈傷離幾地秋  
空性碧雲無處所  
約公曾許剡溪遊

早朝

鍾聲清禁纔應徹漏報仙闈儼已開雙闕薄煙  
籠茁茁九成初日照蓬萊朝時但向丹墀拜仗  
下方從碧殿迴聖道逍遙更何事願將巴曲贊  
康哉

贈張將軍

關西諸將揖容光獨立營前紀事作門劍有霜知愛魯  
連歸海上肯令王翦在頻紀事作平陽天晴紅幟當山  
滿日暮清笳入塞長年少功高人最羨漢家壇

紀事作壇煙樹月紀事作日蒼蒼

和侯大夫秋原山觀征人回

兩河戰罷萬方清原上軍回識舊營立馬望雲  
秋塞靜射鵬臨水晚天晴戍閑部伍分岐路地  
遠家鄉寄旆旌聖代止戈資廟略諸侯不復更  
長征

送人過衛州

憶昔征南府內遊君家東閣最淹留縱橫聯句  
長侵曉次第看花直到秋論舊舉杯先下淚傷  
離臨水更登樓相思前路幾回首滿眼青山過  
衛州

寄中書同年舍人

清明紫閣最高峰  
仙掖開簾范彥龍  
五色天書詞煥爛  
九華春殿語從容  
綵毫應染爐煙細  
清珮仍含玉漏重  
二十年前同日喜  
碧霄何路得相逢

酬于駙馬二首

綺陌塵香曙色分  
碧山如畫又逢君  
蛟藏秋月一片水  
驥鎖晴空千尺雲  
戚里舊知何駙馬  
詩家今得鮑參軍  
陽和本是煙霄曲  
須向花間次第聞

芳時碧落心應斷  
今日清詞事不同  
瑤草秋殘仙圃在  
綵雲天遠鳳樓空  
晴花暖曾紀事送金羈影  
涼葉寒還紀事生玉簟  
風長得聞詩歡自足  
會看春露濕蘭叢

將歸東都寄一作別令狐舍人

綠楊紅杏滿城春  
一騎悠悠萬井塵  
岐路未閑今日事  
風光欲醉長年人  
閑過綺陌尋高寺  
強對朱門謁近臣  
多病晚來還有策  
雒陽山色舊相親

寄江州白司馬

江州司馬平安否惠遠東林住得無  
湓浦曾聞似衣帶廬峰見說勝香爐  
題詩歲晏離鴻斷望闕天遙病鶴孤  
莫謾拘牽雨花社青雲依舊是前途

薛司空自青州歸朝

天眷君陳大在東歸朝人看大司空  
黃河岸畔長無事滄海東邊獨有功  
已變畏途成雅俗仍過舊里揖秋風  
一門累葉凌煙閣次第儀形漢上公

送章孝標校書歸杭州因寄白舍人

曾過靈隱江邊寺獨宿東樓看海門  
潮色銀河鋪碧落日光金柱出紅盆  
不妨公事資高卧無限詩情要細論  
若訪郡人徐孺子應須騎馬到沙村

述舊紀勲寄太原李光顏侍中二首

玉塞

紀事作王舍

含悽見鴈行北垣新詔拜龍驤弟兄

間世真飛將貔虎歸時似故鄉  
鼓角因風飄朔氣旌旗映水發秋光  
河源收地心猶壯笑向西萬里霜

倚天長劍截雲孤報國縱橫見丈夫  
五載登壇

真宰相六重分閫正司徒曾聞轉戰平堅寇共  
說題詩歷腐儒料敵知機在方寸不勞心力講  
陰符

酬盧負外

語舊感往年相國河東張公弘靖嘗臨北府  
本察屬之末君有鄉里之親有作

謝傅旌旗控上游盧郎罇俎借前籌舜城風土

臨清廟魏國山川在白樓

河城北城  
有白樓

雲寺當時接高

步水亭今日又同遊滿筵舊府笙歌在獨有羊

曇最後

紀載  
作淚流

古意贈王常侍

繡戶紗窓北里深香風暗動鳳皇簪組紉常在

佳人手刀尺空搖寒女心欲學齊謳逐雲管還  
思楚練拂霜砧東家少婦當機織應念無衣雪  
滿林

送裴中丞出使

一清淮甸假朝綱金印初迎細柳黃辭闕天威  
和雨露出關春色避風霜龍韜何必陳三略虎  
旅由來肅萬方宣諭生靈真重任回軒應問石  
渠郎

送絳州盧使君

應將清淨結心期又共陽和到郡時絳老問年

須筭字庾公逢月要題詩朱欄迢遞因高勝粉  
蝶清明欲下遲他日徵還作霖雨不須求賽敬  
亭祠

贈李傅

知因公望掩能文哲言激明誠在致君曾罷雙旌  
瞻白日猶將一劍許黃雲搖窓竹色留僧語入  
院松聲共鶴聞莫被此心生晚計鎮南人憶杜  
將軍

上裴中丞

六年西掖弘湯誥三捷東堂總漢科政引風霜

成物色語回天地到陽和清威更助朝端重聖  
澤曾隨筆下多應笑白鬚揚執戟可憐春日老  
如何

和人與人分惠賜冰

天水藏來玉墮空先頒密署幾人同映盤皎潔  
非資關露一作當扇清涼不在風瑩質方從綸閣  
內凝輝更向畫堂中麗詞珍貺難雙有迢遞金  
輿殿角東

觀打毬有作

親掃毬場如砥平龍驤驟馬曉光晴入門百拜

瞻雄勢動地三軍唱好聲玉勒回時露赤汗花  
髮分處拂紅纓欲令四海氛煙靜杖底纖塵不  
敢生

早春即事呈劉員外

明朝晴暖即相隨肯信春光被雨欺且任文書  
堆案上免令杯酒負花時馬蹄經歷應須遍鶯  
語叮嚀已怪遲更待雜芳成艷錦鄴中爭唱仲  
宣詩

送司徒童子

衛多君子魯多儒七歲聞天笑舞雩光彩春風

初轉蕙性靈秋水不藏珠兩經在口知名小百  
拜垂髻稟氣殊况復元侯旌爾善桂林枝上得  
鷓鴣

寄昭應王丞

武皇金輅輾香塵每歲朝元及此辰光動泉心  
初浴日氣蒸山腹總成春謳歌已入雲韶曲詞  
賦方歸侍從臣瑞靄朝朝猶望幸天教赤縣有  
詩人

酬崔博士

自知頑叟更何能唯學雕蟲謬見稱長被有情



邀唱和近來無力更祇承青松樹杪三千年鶴白  
玉壺中一片冰今日爲君書壁石孤城莫怕世  
人憎

酬裴舍人見寄

誰道重遷是舊班自將霄漢比鄉關二妃樓下  
宜臨水五老祠西好看山再葺吾廬心已足每  
來公府路常閑詩陪亞相逾三紀石笥煙霞不  
共攀

和劉貞外陪韓僕射野亭公宴

好客風流玳瑁簪重簷高幕曉沉沉綺筵霜重

旌旗滿玉帳天清絲管聲繁戲徒過魯儒自衆  
歡方集漢郎心寒笳一曲嚴城暮雲騎連嘶香  
外林

酬崔駙馬惠箋百張兼貽四韻

百張雲樣亂花開七字文頭艷錦回浮碧空從  
天上得殷紅應自日邊來捧持價重凌雲葉封  
裏香深笑海苔滿篋清光應照眼欲題凡韻輒

徘徊一作風韻  
魏凡才

贈史開封

天低荒草誓師壇鄧艾心知戰地寬鼓角迴臨

楊少雅詩  
霜野曙旌旗高對雪峯寒五營向水紅塵起一  
劍當風白日看曾從伏波征絕域磧西蕃部怯  
金鞍

奉寄通州元九侍御

大明宮殿鬱蒼蒼紫禁龍樓直署香九陌華軒  
爭道路一枝寒玉任煙霜須聽瑞雪傳心語莫  
一作却被啼猿續淚行共說聖朝容直氣期君新歲  
奉恩光

贈渾鉅中允

公子髫年四海聞城南侍獵雪雰雰馬盤曠野

弦開月鴈落寒原箭在雲曾向天西穿陣慣  
遊花下領儒群一枝瓊萼朝光好綵服飄飄從  
冠軍

重送胡大夫赴振武

向年擢桂儒生業今日分茅聖主恩旌旆仍將  
過鄉路軒車爭看出都門人間文武能雙捷天  
下安危待一論布惠宣威大夫事不妨詩思許  
琴樽

送陳判官罷舉赴

練思多時冰雪清拂衣無語別書生莫將甲乙

爲前累不廢煙霄是此行定愛紅雲燃楚色應  
看白雨打江聲心期玉帳親台位魏勃因君說  
姓名

奉和裴相公

竹寺題名一半空衰榮三十六人中在生本要  
求知已垂老應憐值相公敢望燮和迴舊律任  
應時節到春風若爲問得蒼蒼意造化無言自  
是功

和大夫邊春呈長安親故

巖城吹笛思寒梅二月冰河一半開紫陌詩情

依舊在黑山弓力畏春來遊人曲岸看花發走  
馬平沙獵雪迴旌旆朝天不知晚將星高處近  
三台

張郎中段真外初直翰林報寄長句

秋空如練瑞雲明天上人間莫問程丹鳳詞頭  
供二妙金鑿殿角直三清方瞻北極臨星月猶  
向南班滯姓名啓沃朝朝深禁裏香爐煙外是  
公卿

奉酬端公春雪見寄

造化多情狀物親剪花鋪玉萬重新閑飄上路

呈豐歲狂舞中庭學醉春興逸何妨尋剡客唱  
高還肯寄巴人遙知獨立芝蘭閣滿眼清光壓  
俗塵

盧郎中拜陵遇雪蒙見召因寄

南宮使者有光輝欲拜諸陵瑞雪飛蘋葉已修  
青玉薦柳花仍拂赤車衣應同谷口尋春去定  
似山陰帶月歸寒冷出郊猶未得羨公將事看  
芳菲

冬夜陪丘侍御先輩聽崔校書彈琴

雪滿中庭月映林謝家幽賞在瑤琴楚妃波浪

天南遠蔡女煙沙漠北深顧盼何曾因誤曲殷  
勤終是感知音若將雅調開詩興未祇丘遲一  
片心

元日含元殿下立仗丹鳳樓門下宣赦

相公稱賀

四字一作  
上相公二首

天垂台耀掃攬搶壽獻香山

雜咏作  
山青

祝聖明丹鳳

樓

雜咏  
作闕

前歌九奏金雞竿下鼓千聲衣冠南面薰

風動文字東方喜氣生從此登封資廟略兩河  
連海一時清

臨軒啓扇似雲收率土朝天劇水流瑞色含春

當正殿香煙捧日在高樓三朝氣早迎恩澤萬  
歲聲長繞冕旒請問漢家功第一麒麟閣上識  
鄮侯

元日觀朝

北極長尊報聖期一作仰周家何用問元龜天顏  
入曙千官拜一作喜元日一作日色迎春萬物知閭闔迴臨  
黃道正衣裳高對碧山垂微臣願獻堯人祝壽  
酒年年太液池

題賈巡官林亭

白鳥閑栖亭樹枝綠罇仍對菊花籬許詢本愛

交禪侶陳實由來是英華好兒明月出雲秋館思  
遠泉經雨夜窻知門前長者無虛轍一片寒光  
動水池

和元貞外題昇平里新齋

自英華知休沐諸幽勝遂肯高齋枕廣衢舊地已  
開新玉圃春山仍展綠雲圖心源邀得閑詩證  
肺氣宜將慢酒扶此外唯應任真宰同塵敢英華  
是道門樞作最

送澹公歸嵩山龍潭寺葬本師

野煙秋水蒼茫遠禪境真機去住閑雙樹爲家

思舊壑千花成塔禮寒山洞宮曾向龍邊宿雲  
徑應從鳥外還莫戀本師金骨地空門無處復  
無關

邵州陪王郎中宴

西塞無塵多玉筵  
貔貅鴛鴦儼相連  
紅茵照水開樽俎  
翠幙當雲發管絃  
歌態曉臨團扇靜  
舞容春映薄衫妍  
魯儒縱使他時有  
不似歡娛及少年

和令狐舍人酬峯上人題山欄孤竹

滿院冰姿粉籜殘  
一莖青翠近簾端  
離叢自欲親香火  
抱節何妨共歲寒  
能讓繁聲任真籟  
解將孤影對芳蘭  
范雲許訪西林寺  
枝葉須和彩鳳看

寄贈田倉曹灣

芳蘭媚庭除灼灼紅英舒  
身為陋巷客門有絳轅  
車朝覽夷吾傳暮習潁陽書  
眄雲高羽翼待價蘊璠璣  
纓弁雖云阻音塵豈復踈  
若因風雨晦應念寂寥居

上劉侍中

命代生申甫承家翊禹湯  
廟謨膺間氣師律動

清霜鍾鼎勲庸大山河一作山河誠誓長英姿凌虎視

逸步歷龍驤道協陶鈞力恩回日月光一言弘

社稷九命備珪璋政治軍逾肅仁敷物已康朱

門重祭戟丹詔半縑緇位總雲興一作興龍野師臨涿

鹿鄉射鵬天更碧吹角塞仍黃深入平夷落橫

行關漢疆功垂貞石遠名映色絲香度一作度碩瞻

貌武臨池識鳳凰舞腰凝綺榭歌響拂雕梁杯

淨傳鸚鵡裘鮮照鸕鷀吟詩白羽扇校獵綠沉

搶風景佳人地煙沙壯士場幙中邀謝鑿監一作監麾

下得周郎珠影含空徹瓊枝映座芳王渾知武

子陳寔獎元方富貴春無限歡娛夜未央管絃

隨玉帳樽俎奉金章俗理寧因勸邊城詎假防

軍容雄朔漠公望冠巖廊分野鄰孤島京坻溢

萬箱曙華分碣石秋色入衡陽城遠迷玄兔川

明辨白狼忠賢多感激今古共蒼茫堤擁紅蕖

艷橋分翠柳行軒車紛自至亭館鬱相當珍簟

迴煩暑層軒引早涼聽琴知思靜說劍覺神揚

佳景燕臺上清輝鄭驛傍鼓鞀鍾一作鍾喧北里珪玉

映東床敢銜由之瑟甘循賜也墻官微思假路

戰勝忝升堂欲奮三千翼頻迴一夕腸消憂期

酒聖乘興任詩狂海內裁一作分桃李天涯荷一作剪稻

梁昇沉門下客一作意誰道在蒼蒼

贈侯侍御

步逸辭群跡機真結遠心一作機志敦詩揚大雅

映古酌高音逃禍栖蝸舍因醒解豸簪紫蘭秋

露濕黃鶴晚一作曉天陰舊業英華作葉餘荒草寒山出遠

林月明多宿寺世亂重悲琴霄漢時應在詩書

道未沉坐期間闔霽雲暖一開襟時朱泚阻兵

懷德杼情寄上信州座主

五馬江天郡諸生淚共垂讌餘明主德恩在侍

臣知悵望緘雙鯉龍鍾假一枝玉峯遙寄夢雲

海暗傷離幢蓋全家去琴書首路隨滄洲值康

樂明月向元規鵷鳳終凌漢蛟龍會出池蕙香

因曙發松色肯寒移舉世瞻風藻當朝掛羽儀

加餐門下意溪水綠逶迤

送杜郎中使君赴虔州

迢遞南康路清輝得使君虎符秋領俗鵷署早

辭群地遠仍連戍城嚴本帶軍傍江低檻月當

嶺滿窻雲境勝問閣間天清水陸分和詩將惠

政頌述九衢聞



別鶴詞送令狐校書之桂府

海鶴一爲別，高程方窅然。影搖江漢一作海路，思結

瀟湘天。皎然仰白日，真姿栖紫煙。含情九霄際，

顧侶五雲前。遐心屬清都，淒响激朱絃。超遙一作

間，風雨迢遞各山川。東南信多水，會合當有年。

一作雌飛喚冥冥，此意何由傳。

夏日裴尹真外西齋看花

笑向東一作南來客看花，枉在前始知清夏月更勝。

艷陽天，露濕呈妝汗。風吹畏火燃，葱蘢和葉盛。

爛熳歷枝鮮，紅彩當鈴閣。清香到玉筵，蝶栖驚

曙色。鶯語滯一作帶晴煙，得地殊堪賞。過時倍覺妍。

芳菲遲最好，唯是謝家憐。

贈鄰家老將

白首羽林郎，丁年戍朔方。陰天瞻磧路，秋日渡

遼陽。大漠寒山黑，孤城夜月黃。十年依蓐食，萬

里帶金瘡。拂雪陳師祭，衝風立教場。箭飛瓊羽

合，旗動火雲張。虎翼分營勢，魚鱗擁陣行。誓心

清塞色，鬪血雜沙光。戰地晴輝薄，軍門曉氣長。

寇深爭暗襲，關迴勒春防。身賤竟何訴，天高徒

自傷。功成封寵將，力盡到貧鄉。雀老方悲海，鷹

衰却念霜空餘孤劍在開匣一霜裳

和呂舍人喜張貞外自北番迴至境上

先寄二十韻

割愛天文動敦和國步安仙姿歸舊好戎意結  
新歡並命瞻鷓鷯同心捐蕙蘭玉簫臨祖帳金  
榜引征鞍廣陌雙旌去平沙萬里看海雲侵鬢  
起邊月向眉殘突兀陰山迴蒼茫朔野寬毳廬  
同甲帳韋橐比瑠盤義著親俗儀全識漢官  
地鄰冰鼠淨天映燭龍寒節異蘇卿執絃殊蔡  
女彈磧分黃渺渺寒英華作寒極黑漫漫歡味羶腥列

徵聲休僭攢歸期先鴈候登路劇鵬搏上客離  
心遠西宮草詔殫麗詞傳錦綺珍價掩琅玕百  
兩開戎壘千蹄入御欄瑞光麟閣上喜氣鳳城  
端尚德曾辭劍柔凶本舞干茫茫斗星北威服  
古來難

春日奉獻聖壽無疆

英華有詞字

十首

文物京華盛謳歌

一作謠

國步康瑤池供壽酒銀漢

麗宸章靈雨

一作雨露

含雙闕雷霆肅萬方代推仙

祚遠春共聖恩長鳳宸臨花暖龍鑪傍日香遙  
知千萬歲天意奉君王

鴛鴦形庭際軒車綺陌前九城多好色一作樂萬井

半祥煙人醉逢堯酒鶯歌荅舜絃花明御溝水

香暖禁城天賜宴文逾盛徵歌一作歡物更妍無窮

艷陽月長照一作奉太平年

雲陛臨黃道天門在碧虛大明含睿藻元氣抱

宸居戈偃征苗後詩傳宴鎬初年華富仙苑時

哲滿公車化入網緼大恩垂渙汗餘悠然萬方

靜風俗揖華胥

玉漏飄青璫金鋪麗紫宸雲山九門曙天地一

家春瑞靄方呈賞暄風本配仁巖廊開鳳翼水

殿歷鰲身文雅逢明代歡娛及賤臣年年未央

闕恩共物華新

垂拱軋坤正歡心品類同紫煙含北極玄澤付

東風珠綴留晴景金莖直曉空發生資盛德交

泰讓全功間氣登三事祥光啓四聰遐荒似川

水天外亦一作朝宗

代是文明晝春當燕喜時爐煙添柳重宮漏出

花遲漢典方寬律周官正採詩碧宵傳鳳吹紅

旭一作日在龍旗造化膺神契陽和沃聖思紀事作慈無因

隨百獸率舞奉丹墀

睿德符玄化芳情翊太和日輪皇鑒遠天仗聖  
朝多曙色合金榜晴光轉玉珂中宮陳廣樂元  
老進賡歌蓮葉看龜上桐花識鳳過小臣空擊  
壤滄海是恩波

物象朝高殿簪裾溢上京春當九衢好天向萬  
方明樂報簫韶發杯看沆瀣生芙蓉丹闕暖楊  
柳玉樓晴閭闔開中禁衣裳儼太清南山同聖  
壽長對鳳皇城

日上蒼龍闕香含紫禁林晴光五雲疊春色九  
重一作天深賞叶元和德文垂雅頌音景雲隨御輦

顥氣在宸襟永保無疆壽長懷不戰心聖朝多  
慶賜瓊樹粉墻陰

化洽生成遂功宣動植知瑞凝三秀草春入萬  
年枝鳳掖嘉言進鴛行喜氣隨仗臨丹地近衣  
對碧山垂渥澤方柔遠聰明本聽卑願同東觀  
士一作事長對一作觀漢威儀

銜魚翠鳥

有意蓮葉間瞥然下高樹擘破一作波得全一作金魚二  
點翠光去

和鄭相公尋宣上人<sub>一本此下有尋宣上人</sub>不遇

方尋一作放心蓮境去又值竹房空幾韻飄寒玉餘清不在風

題范陽金臺驛

六國唯求客千金遂築臺若令逢聖代憔悴郭生回

寄薛侍御

世上無窮事生涯莫廢詩何曾好風月不是憶君時

賦得灞岸柳留辭鄭員外

楊柳含煙灞岸春年年攀折為行人好風倘借

低枝便莫遣青絲掃路塵

折楊柳

一作和練秀才楊柳一作或好倫詩

水邊楊柳翹塵

一作綠煙

絲立馬煩君折一枝惟有春

風最相惜殷勤更一作肯向手中吹

雪中聽箏

玉柱泠泠對寒雪清商怨徵聲何切誰憐楚客向隅時一片愁心與絃絕

盧龍塞行送韋掌記二首

雨雪紛紛黑水外行人共指盧龍塞萬里飛沙  
歷鼓鼙三軍殺氣凝旌旆

陳琳書記本翩翩料敵能兵奪酒泉聖主好文  
兼好武封侯莫比漢皇年

題五老峰下費君書院

解向花間栽碧松門前不負老人峰已將心事  
隨身隱認得溪雲第幾重

僧院聽琴

一作宿藏公院聽齊孝若彈琴

禪思何妨在玉琴真僧不見聽時音一作離聲怨  
調秋堂夕雲向蒼梧湘水深

和武相公春曉聞鶯

語恨飛遲天欲明殷勤似訴有餘情仁風已及

芳菲節猶向花溪鳴

一作聽幾聲

唐昌觀玉蘂花

晴空素艷照霞新香灑天風不到塵持贈昔聞  
將白雪蘂珠宮上玉花春

山中主人

十里青山有一家翠屏深處更添霞若爲說得  
溪中事錦石和煙四面花

太原贈李屬侍御

路入桑軋塞鴈飛東郎年少有光輝春風走馬  
三千里不廢看花君綉衣

崔娘詩

清潤潘郎玉不如中庭蕙草雪消初風流才子  
多春思腸斷蕭娘一紙書

題雲師山房

一作權德輿詩  
又作式呈詩

雲公蘭若深山裏月明松殿微風起試問空門  
清淨心蓮花不着秋潭水

城東早春

詩家新景在清新春綠柳纔黃半未勻若待上林  
花似錦出門俱是看花人

秋日登亭贈薛侍御

潦倒從軍何取益東西走馬暫同遊梁王舊客  
皆能賦今日因何獨怨秋

石水詞二首

銀罌深鑊貯清光無限來人不得嘗知共金丹  
爭氣力一杯全勝五雲漿

山叟和雲鬪翠屏煎時分日檢仙經天人持此  
扶衰病勝得瑤池水一瓶

荅振武李逢吉判官

近來時輩都無興把酒皆言肺病同唯有單于  
李評事不將華髮負春風

宮燕詞

毛衣似錦語如絃日暖爭高綺陌天幾處野花  
留不得雙雙飛向御爐前

贈崔駙馬

百尺梧桐畫閣齊簫聲落處翠雲低平陽不惜  
黃金埒細雨花驄踏作泥

聽李憑彈箏篴二首

聽奏繁絃玉殿清風傳曲度禁林明君王聽樂  
梨園暖翻到雲門第幾聲

花咽嬌鶯玉漱泉名高半在御筵前漢王欲助  
人間樂從遣新聲墜九天

臨水看花

一樹紅花映綠波清明騎馬好經過今朝幾許  
風吹落聞道蕭郎最惜多

觀妓人入道二首

荀令歌鍾北里亭翠娥紅粉敞雲屏舞衣施盡  
餘香在今日花前學誦經

碧玉芳年事冠軍清歌空得隔花聞春來削髮  
芙蓉寺蟬鬢臨風墮綠雲

方城驛逢孟侍御



走馬溫湯直隼飛相逢矍鑠理征衣軍中得力  
兒男事入驛從容見落暉

題清涼寺

憑檻霏微松樹煙陶潛曾用道林錢一聲寒磬  
空心曉花雨知從第幾天

酬令狐舍人

曉禁蒼蒼換直還暫低鸞翼向人間亦知受業  
公門事數仞丘壻不見山

和令狐郎中

題詩一代占清機秉筆三年直紫微自稟道情

齟齬異不同蘧玉學知非

補遺

失題

何事慰朝夕不踰詩酒情山河空道路蕃漢共  
刀兵禮樂新朝市園林舊弟兄向風一點淚塞

晚暮江平

見唐詩紀事

春日題龍門香山寺

衆香天上梵王宮鍾磬寥寥半碧空清景乍開  
松嶺月亂流長響石樓風山河杳映春雲外城  
闕參差曉樹中欲盡出尋那可得三千世界本

無窮

見唐詩類抄

寄申州盧拱使君

領郡仍聞總虎貔致身還是見男兒小船隔水  
催桃葉大鼓當風舞柘枝酒坐微酣諸客倒毬  
場慢撥幾人隨從來樂事憎詩苦莫放窻中遠  
岫知

見唐詩類苑

假鄧孝先同年兩歲李滄葦唐詩鈔本

校勘一過

乙卯十月沅叔記

楊少尹詩集

歐陽助教詩集目錄

晉江

歐陽

詹

行周

東風二章

有序

有所恨二章

有序

李評事公進示文集以詩贈之

蜀中將迴留辭韋相公

太原旅懷呈薛十八侍御齊十二奉禮

初發太原塗中寄太原所思

詠德上韋簡察

寓興

自懷州却赴洛塗中作

晨裝行

江夏留別辛三十時

自襄陽同舟而下予歸閩辛從此赴舉  
徐十八晦落第 送袁秀才下第歸毗

陵 聞鄰舍唱涼州有所

思 春日塗中寄故園所

親 銅雀妓

題嚴光釣臺 福州送鄭楚材赴京

師 送潭州陸戶曹之任

戶曹自處州司倉除

同諸公過福先寺律院宣上人房

益昌行 有序 翫月詩 有序

荅韓十八駑驥吟 附錄原詩

韓愈賦得秋河曙耿耿送郭秀才赴舉

汝川行 許州道中

智達上人水晶念珠歌

陪太原鄭行軍中丞登汾上閣

送少微上人歸德峯

荆南夏夜水樓懷昭丘直上人雲夢李莘

送高士安下第迴岷南寧親

酬裴十二秀才孩子歌

旅次舟中對月寄姜公

除夜長安客舍

早秋登慈恩寺塔

太原和嚴長官八月十五日夜西山童子

上方翫月寄嚴中丞少尹

九日廣陵同陳十五先輩登高懷林十二

先輩

御溝新柳

和嚴長官秋日登太原龍興寺閣野望

元日陪早朝

述德上興元嚴僕射

詠德上太原李尚書

及第後酬故園親友

題華十二判官汝州宅內亭

有序

奉和太原鄭中丞登龍興寺閣

薛舍人使君觀察韓判官侍御許雨晴到

所居既霽先呈即事

讀周太公傳

蜀門與林蘊分路後

屢有山川似閩中因寄林蘊蘊亦閩人

也

述德上興元嚴僕射

許州送張中丞出臨潁鎮

樂津店北陂

覩亡友李三十觀秭

歸鎮壁題詩處

題秦嶺

自南山却赴京師石臼嶺頭即事寄嚴僕

射

與洪孺卿自梁州迴  
塗中經駱谷見野果有閩中懸壺子既  
因採摘用呈之洪亦閩人

出蜀門

韋晤宅聽歌

與林蘊同之蜀塗次嘉陵江認得越鳥聲  
呈林林亦閩人也

送聞上人遊嵩山 承安寺照上人房

山中老僧

贈魯山李明府

泉州赴上都洛陽亭留別舍弟及故人  
送張驃騎邠寧行營

題梨嶺

題第五司戶侍御

秋夜寄弘濟上人

觀送葬

宿建溪中霄即事

建溪行待陳詡

題王明府郊亭

塞上行

回別業留別郭中諸公

九日廣陵登高懷邵二先輩

除夜侍酒呈諸兄示舍弟

題延平劍潭

曉泊漳州營頭亭

贈山南嚴兵馬使

歐陽助教詩集目錄

乙卯十月校李滄葦唐詩鈔本一過東風二章  
過福先寺宣文房一首季本所無然新都行  
一首刻本不載爰錄於卷尾至卷中改正之  
字強不可勝故知席氏所據決非善也

沈氏手記

歐陽助教詩集

晉江 歐陽 詹 行周

東風二章 有序

東風美隴西公也貞元十二年相國東都守隴  
西董公牧于浚浚軍自勦淮夷二孽 靈曜 希烈矜功  
多悖師用匪律人亦由殘隴西公和為謀與仁  
為化車既去兇渠黎毗以蘇東風解凝發蟄之  
不若作東風詩二章首美去兇渠也其卒章美  
蘇毗也

東風叶時匪沃匪飄莫雪凝川莫陰沍郊朝不

國朝詩  
後夕乃銷東風之行地上兮上德臨慝匪戮匪  
梟莫暴在 莫醜在階以踣以殲夕不後朝隴  
西公來浚都兮

東風叶時匪鑿匪穢莫蟄在泉莫枯在條宵不  
後晨乃繇東風之行地上兮上德爲政匪食音寺  
匪招莫顧于家莫流于遼以飽以迴晨不後宵  
隴西公來浚都兮

有所恨二章

有序

有所恨由故人馬紳死而興也予待試京師六  
年與馬生相知者四秋性與情相合也衣與食

相同也予及第歸覲故林自別來無憶不至于  
襟懷無想不至于姿容願一促膝怒如也昨既  
至止馬生且疾而巫者忌以見人曰不見有愈  
見則害遂忍即見庶以求見忍者五日馬生云  
亡噫故人也昔越萬里猶求見焉惑乎一言蔽  
乎一垣而死生以之死生之道千秋之離也五  
日之面半旬之歡也尚可半旬之歡不就而卒  
有千秋之離一恨也又與生別摻執都門生脫  
紫羅半臂曰即日相去秦吳聊以爲憶予貧也  
素乏衣服無暇藏篋笥聯綿在身二年間同幣

帛以棄所以新而輕著故而不留者予實未衰  
馬其方少爾斯謂日相與也所留何止在茲乎  
今人既往所贈又造次而亡之二恨也申二恨  
為有所恨二章云

相思君子吁嗟萬里亦既至止曷不覲止本不  
信巫謂巫言是履在門五日如待之死有所恨  
兮

相思遺衣為憶以貽亦既受持曷不保持本不  
欺友謂友情是違隔生之贈造次亡之有所恨  
兮

李評事公進示文集以詩贈之

風雅不墜地五言始君先希微嘉會章杳冥河  
梁篇理蔓語無枝言一意則于往來更後人澆  
蕩醜前源傾筐實不收樸檉華爭繁大教護微  
旨哲人生令孫高颺激頽波坐使橫流翻昔日  
越重阻側聆滄海傳逮茲覲清揚幸覩青琅編  
泠泠山中醇片片崑山璠一杯有餘味再覽增  
光鮮對寶豈皆鑑握鞶良自研吾其告先師六  
義今還全

蜀中將迴留辭韋相公



寧體則雲構方前恒玉食貧居豈及此要自懷  
歸憶在夢關山遠如流歲華逼明晨首鄉路迢  
遞孤飛翼

太原旅懷呈薛十八侍御齊十二奉禮

前來稱英俊有食主人魚後來曰賢才又受主  
人車伊余亦投刺恩煦胡彫踈既覩主人面又  
獻主人書餬口百家周賃廡三月餘眼見寒序  
臻坐使秋光除西日怒飢腸北風集締裾升堂  
有知音此意當何如

初發太原途中寄太原所思

驅馬覺漸遠迴頭長路塵高城已不見況復城  
中人去意自未甘居情諒猶辛五原東北晉千  
里西南秦一屨不出門一車無停輪流萍與繫  
匏早晚期相親

詠德上韋簡察即韋相之弟也名纁

少華類太華太室似少室亞相與丞相亦復無  
異質渟如月臨水瀟若松照日輝影互光澄陰  
森兩葱鬱連枝鸞鳳下同氣龜龍出併力革夷  
心通籌整師律英豪願迴席蠻貊皆屈膝中外  
行分途寰瀛溥清謚

寓興

桃李有奇質，樗櫟無妙姿。皆承慶雲沃，一種春風吹。美惡苟同歸，喧囂徒爾為。相將任玄造，聊醉手中卮。

自懷州却赴洛途中作

惆悵策疲馬，孤蓬被風吹。昨令今又西，冉冉長路岐。歲晚樹無葉，夜寒霜滿枝。依人恒辛苦，冥冥天何知。

晨裝行

村店月西入，山枝鳴鳩聲。求燈徹夜席，束囊事

晨征寂寂人，尚眠悠悠天。未明豈無偃息心，所務前有程。

江夏留別辛三十時自襄陽同舟而下

子歸閩辛從此赴舉

弭棹已傷別，不堪離緒催。十年一心人，千里同舟來。鄉路予尚遠，客程君未迴。將何慰兩端，互勉臨岐林。

徐十八晦落第

嘉穀不夏熟，大器當晚成。徐生異凡鳥，安得非時鳴。汲汲有攸為，驅驅本無情。懿哉蒼梧鳳，終

見排雲征

送袁秀才下第歸毗陵

羸馬出都門修途指江東關河昨夜雨草木非  
春風矢捨雖未中璞全終待攻層霄秋可翔豈  
不隨高鴻

聞隣舍唱涼州有所思

有善伊涼曲離別在天涯虛堂正相思所妙發  
鄰家聲音雖類聞形影終以遐因之增遠懷惆  
悵菖蒲花

春日途中寄故園所親

客路度年華故園未云返悠悠去源水日日祇  
有遠始歎秋葉零又看青春晚寄書南飛鴻相  
憶劇鄉縣

銅雀妓

蕭條登古臺迴首黃金屋落葉不歸林高陵永  
為谷裝容徒自麗舞態閱誰目嗚咽總惟前歌  
聲苦于哭

題嚴光釣臺

弭棹歷陳迹悄然關我情伊無昔時節豈有今  
時名辭貴不辭賤是心誰復行欽哉此溪曲永

獨英風聲

福州送鄭楚材赴京師

時監察劉公亮有感激鄭意

美人河岳靈家本榮水濱門承若蘭族身韞如  
瓊文早折青桂枝俯窺鴻鵠羣爾來丹霄姿遠  
逐蒼梧雲有伊光鑒人惜茲瑤蕙薰中酣前激  
昂四座同氛氲海郡梅靈晴山郵炎景曛迴翔  
罷南遊鳴啖期西聞秦寒鸞鳳征越江雲雨分  
從茲一別離佇致如堯君

送潭州陸戶曹之任戶曹自處州司倉

除

三語又為椽大家聞屈聲多年名下人四姓江  
南英衡嶺半天秀湘潭無底清何言驅遠車去  
有蒙莊情

同諸公過福先寺律院宣上人房

律座下朝講晝門猶掩關叨同靜者來正值高  
雲閑寂爾方丈內瑩然虛白間千燈智慧心片  
玉清羸顏松色落深井竹陰寒小山晤言流曦  
晚惆悵歸人寰

益昌行 有序

貞元年中天子以工部郎中興元少尹吳興沈

公長源牧利州其為政五年予旅遊由于利觀  
人安俗阜欽所以美作詩一章利州故益昌郡  
也且曰益昌行

驅馬至益昌倍驚風俗和耕夫壟上謠負者途  
中歌處處川復原重重山與河人煙徧餘田時  
稼無閑坡問業一何修太守德化加問身一何  
安太守恩懷多賢哉我太守在古無以過愛人  
甚愛子身治郡理邦如理家雲雷既奮騰草木遂萌芽  
乃知良二千德足為國華今時固精求漢帝非  
徒嗟四氣有青春衆植佇揚葩期當作說霖天

下同滂沱

三  
翫月詩 并序

月可翫翫月古也謝賦鮑詩眺之庭前亮之樓  
中皆翫也貞元十二年歐閩君子陳可封在秦  
寓于永崇里華陽觀予與鄉故人安陽邵楚萇  
濟南林蘊穎川陳詡亦旅長安秋八月十五日  
夜詣陳之居修厥翫事月之為翫冬則繁霜太  
寒夏則蒸雲太熱雲蔽月霜侵人蔽與侵俱害  
乎翫秋之于時後夏先冬八月之于秋季始孟  
終十五于夜又月之中稽于天道則寒暑均取

于月數則蟾兔圓況埃壙不流太空悠悠嬋娟  
徘徊桂華上浮升東林入西樓肌骨與之疏涼  
神魂與之清冷四君子悅而相謂曰斯古人所  
以為翫也既得古人所翫之意宜襲古人所翫  
之事乃作翫月詩云  
八月三五夕舊嘉蟾兔光斯從古人好共下今  
宵堂素魄皎孤凝芳輝紛四揚徘徊林上頭泛  
灑天中央皓露助流華輕颺佐浮涼清冷到肌  
骨潔白盈衣裳惜此苦宜翫攬之今可將含情  
顧廣庭願勿沈西方

六  
答韓十八駕驥吟

韓詩云駕駘誠齋  
詭市者何其稠

故人舒其憤昨示爾駕驥篇駕取易售陳驥以難  
知言委曲感既深咨嗟詞亦殷伊情有遠瀾余  
志遊其源室在周孔堂道適堯舜門調雅聲寡  
同途遐勢難翻顧茲萬恨來假彼二物云賤貴  
而貴賤世人良共然芭蕉一葉妖茂葵一花妍  
異無材實資手植階墀前榷楠十圍瑰松柏百  
尺堅罔念棟梁功野長丘墟邊傷哉昌黎韓焉  
得不迤邐上帝本厚生大君方建元實將庇羣  
眚庶此規崇軒班爾圖永安掄擇其精專君看

廣廈中豈有庭前萱

附錄

韓愈

駑駘誠齷齪市者何其稠力小苦難制價微  
良易酬渴飲一斗水飢食一束芻嘶鳴當大  
路志氣若有餘騏驥生絕域自矜無匹儔驅  
牽入市門行者不得留借問價幾何黃金比  
嵩丘借問行幾何咫尺視九州飢食玉山禾  
渴飲醴泉流問誰能爲御曠世不可求惟昔  
穆天子乘之極遐遊王良執其轡造父挾其  
鞞因言天外事恍惚使人愁駑駘謂騏驥餓

死余爾羞有能必見用有德必見收孰云時  
與命通塞皆自由騏驥不敢言低徊但垂頭  
人皆劣騏驥共以駑駘優喟余獨興歎才命  
不同謀寄詩同心子爲我高聲謳

二十四

賦得秋河曙耿耿送郭秀才赴舉

月沒天欲明秋河尚凝白皚皚積光素耿耿橫  
虛碧南斗接北辰連空濛鴻同浮高天蕩蕩漫  
漫皆晶然實類平蕪流大川星爲潭底珠雲是  
波中煙雞鳴漏盡東方作空曲蒼蒼曉煙落鴈  
叫疑從清淺驚鴈聲似在浴洄泊并州細侯直

下孫才鷹秋賦懷金門念排雲漢將飛翻仰之  
踊躍當華軒夜來陪餞歐陽子偶坐通宵見深  
旨心知慷慨日昭回前程志在青冥裏

汝川行

汝墳春女蠶忙月朝起採桑日西沒輕綃羃露  
紅羅襪半蹋金梯倚枝歇垂空玉腕若無骨映  
葉朱脣似花發相歡誰是遊冶郎蠶休不得岐  
路旁

許州道中

秦川行盡潁川長吳江越嶺已同方征途渺渺

煙茫茫未得還鄉傷近鄉隨萍逐梗見春光行  
樂登臺鬪在旁林間啼鳥野中芳有似故園皆  
斷腸

智達上人水精念珠歌

水已清清中不易當其精精華極何宜更復加  
磨拭良工磨拭成貫珠泓澄洞澈看如無星輝  
月耀莫之逾駭雞照乘徒稱殊上人念佛泛真  
諦一佛一珠以爲計旣指其珠當佛身亦欲珠  
明佛像智咨董母訪朱公得之玃璫羣竒中龍  
龕鷲嶺長隨躬朝自守持纖掌透夜來月照紅



條空窮川極陸難為寶孰說車渠將瑪瑙連連  
寒溜下陰軒熒熒泣露垂秋草皎晶晶彰煌煌  
陸離電燵紛不常凌眸暈目生光芒我來借問  
修行術數日殷勤羨茲物上人視日授微言心  
淨如斯即是佛

作大字

三六

陪太原鄭行軍中丞登汾上閣

中丞詩曰  
汾樓秋水

潞宛似到閭門惆悵江湖思惟將南  
客論南客即唐也輒書即事上答

并州汾閣上登望似吳閶貫郭河通路縈村水  
逼鄉城槐臨枉渚巷市接飛梁莫論江湖思南  
人正斷腸

三五

送少微上人歸德峯

不負人間累棲身任所從灰心聞密行菜色見  
羸容幻世方同悟深居願繼蹤孤雲與禪誦別  
後在何峯

三九

荆南夏夜水樓懷昭丘直上人雲夢李

莘

無機成旅逸中夜上江樓雲靜月如練水涼風  
似秋鳧聲聞夢澤黛色上昭丘不遠人情在良  
宵恨獨遊

三七

送高士安下第迴岷南寧親

借隱有賢親岷南四十春樓雲自匪石觀國暫  
同塵就養思兒戲延年愛鳥伸還看謝時輩去一作有  
作穎陽人

酬裴十二秀才孩子詠

裴拜曰待看成器後折取桂枝餘

笑日未成年英姿已衰然王家千里後荀氏八  
龍先葱蒨松猶嫩清明月漸圓將何一枝桂容  
易賞名賢

旅次舟中對月寄姜公

此公丁泉州門客

中宵天色淨片月出滄洲皎潔臨孤島嬋娟入  
亂流應同故園夜獨起異鄉愁那得休蓬轉從

君上庾樓

除夜長安客舍

仍寢如流歲又遷望家思獻壽笑甲恨  
長年虛牖傳寒柝孤燈照絕編誰應問窮轍泣  
盡更潸然

早秋登慈恩寺塔

寶塔過千仞登臨盡四維毫端分馬頰墨點辨  
蛾眉地迴風彌緊天長日久遲因高欲有賦遠  
意慘生悲

太原和嚴長官八月十五日夜西山童

子上方翫月寄嚴中丞少尹

西寺碧雲端東溟白雪團年來一夜翫君在半  
天看素魄當懷上清光在下寒宜裁濟江什有  
阻惠連歡

三十五

九日廣陵同陳十五先輩登高懷林十

二先輩

客路重陽日登高寄上樓風煙今令節臺閣古  
雄州泛菊聊斟酒持萸懶插頭情人共惆悵良  
久不同遊

吳

范春望館池柳色一作御溝  
御溝新柳及第省試

東風韶景至垂柳御溝新媚作千門秀連為一  
道春柔萋生女指嫩葉長龍鱗舞絮迴青岸翻  
煙拂綠蘋王孫初命賞楚客欲傷神芳意堪相  
贈一枝光遠人

四十五

和嚴長官秋日登太原龍興寺閣野望

百文化城樓君登最上頭九霄迴棧路八到視  
并州煙火遺堯庶山河啓聖猷短垣齊介嶺片  
帛指汾流清鐸中天籟哀鴻下界秋境閑知道  
勝心遠見名浮豈念乘肥馬方應駕大牛自憐  
蓬逐吹不得與良遊

四三 元日陪早朝

斗柄東迴歲又新  
邃旒南面挹來賓  
和光鬃髯樓臺曉  
休氣氤氳天地春  
儀籥不惟丹穴鳥  
稱觴半是越裳人  
江臯芳草今何幸  
亦與恆星拱北辰

三六 述德上興元嚴僕射

山橫壁立並雄岷  
大阜洪川共降神  
心合雲雷清禍亂  
力迴天地作陽春  
非熊德愧當周輔  
稱傑叨慙首漢臣  
何幸腐儒無一藝  
得為門下食魚人

四四 詠德上太原李尚書

那以公方郭細侯  
并州非復舊并州  
九重帝宅司丹地  
十萬兵樞擁碧油  
鏘玉半為趨閣吏  
腰金皆是走庭流  
王褒見德空知頌  
身在三千最上頭

三十九 及第後酬故園親友

才非天授學非師  
以此成名曩豈期  
楊葉射頻因偶中  
桂枝材美敢當之  
稱文作藝方慙德  
相賀投篇料媿詞  
猶著褐衣何足羨  
如君即是載鳴時

早

題華十二判官汝州宅內亭

有序

觀居處翫好則才不才了然可知如華斯亭華  
 豈常人歟規畫既高圻填有潔媚以花草清以  
 竹木綺芻菴澹琅玕森然牆外人寰入門雲林  
 使人心以之闌神以之遠華朝于斯夕于斯心  
 不朗神不王其可得乎則虛廓其靈恬淡其性  
 由才不才矣非逃名遠世方曰冥搜賢哉華未  
 展襟懷視于斯則昭然在前矣予既遊且尚詩  
 以美之衆君子其以為然亦宜相廣詩曰  
 高居勝景誰能有佳意幽情共可歡新柳搖門

青翡翠修篁浮徑碧琅玕步兵阮籍空除屏彭  
 澤陶潛謾挂冠只在城隍也趨府豈知吾子道  
 斯安

四十三

奉和太原鄭中丞登龍興寺閣

青窻朱戶半天開極目凝神望幾迴晉國頽墉  
 生草樹皇家瑞氣在樓臺千條水入黃河去萬  
 點山從紫塞來獨恨侍遊違長者不知高意是  
 誰陪

四十一

薛舍人使君觀察韓判官侍御許雨晴到所居既霽先呈即事

江臯昨夜雨收梅江南夏雨曰梅寂寂衡門與釣臺西島  
落花隨水至前山飛鳥出雲來觀風駟馬能言  
駐行縣雙旌許暫迴豈不偶然聊為竹空令石  
逕掃莓苔

讀周太公傳

論兵去商虐講德興周道屠沽未遇時豈異茲  
村老

蜀門與林蘊分路後屢有山川似閩中

因寄林蘊蘊亦閩人也

村步如延壽川源似福平

延壽福平皆閩中川源之名  
延壽即蘊之別墅在焉福平

即予之別墅在焉

無人相與識獨自故鄉情

五十三

述德上興元嚴僕射

一本無述德興元四字

推車閩外主恩新今日梁川草徧春玉色據鞍  
雙節下揚兵百里路無塵

五十四

許州送張中丞出臨潁鎮

心誦陰符口不言風驅千騎出轅門孫吳去後  
無長策誰敵留侯直下孫

四十九

樂津店北陂

嬋娟有麗玉如也美笑當予繫予馬羅幃碧簟  
豈相容行到山頭憶山下

五十五 觀亡友李三十觀秭歸鎮壁題詩處

舊友親題壁上詩傷春緣跡不緣詞門前猶是  
長安道無復回車下筆時

五十六 題秦嶺

南下斯須隔帝鄉北行一步掩南方悠悠煙景  
兩邊意蜀客秦人各斷腸

五十七 自南山却赴京師石臼嶺頭即事寄嚴

僕射

鳥企蛇盤地半天下窺千仞到浮煙因高迴望  
沾恩處認得梁州落日邊

五十八

與洪孺卿自梁州迴途中經駱谷見野  
果有閩中懸壺子既因採摘用呈之  
洪亦閩人

青袍朱實忽離離摘得盈筐淚更垂上德同之

豈無意故園山路一枝枝

五十九 出蜀門

北客今朝出蜀門脩然領得入時魂遊人莫道  
歸來易三不曾聞古老言

韋晤宅聽歌

服製虹霓鬢似雲蕭郎屋裏上清人等閑逐酒

傾盃樂飛盡虹梁一夜塵

李與林蘊同之蜀途次嘉陵江認得越鳥

聲呈林林亦聞人也

正是閩中越鳥聲幾迴留聽暗沾纓傷心激念  
君深淺共有離鄉萬里情

李送聞上人遊嵩山

二室峯峯昔願遊從雲從鶴思悠悠丹梯石磴  
君先去為上青冥最上頭

承安寺照上人房

草席蒲團不埽塵松間石上似無人羣陰欲午

鐘聲動自煮溪蔬養幻身

李山中老僧

笑向來人話古時繩牀竹杖自扶持秋深頭冷  
慵將剃白黑蒼然髮到眉

李贈魯山李明府

外戶通宵不閉關抱孫弄子萬家閑若將邑號  
稱賢宰又是皇唐李魯山

以前有賢令泉州赴上都洛陽亭留別舍弟及故人

天長地濶多岐路身即飛蓬共水萍疋馬將驅  
豈容易弟兄親故滿離亭



李六 送張驃騎邠寧行營

寶馬雕弓金僕姑龍驤虎視出皇都揚鞭莫怪  
輕胡虜曾在漁陽敵萬夫

李七 題梨嶺

南北風煙即異方連峯危棧倚蒼蒼哀猿咽水  
偏高處誰不沾衣望故鄉

李八 題第五司戶侍御

曾稱野鶴比羣公忽作長松向府中駟馬不騎  
人不識冷然三尺別生風

李九 秋夜寄弘濟上人一作秋夜寄弘濟上人

尚被浮名誘此身今時誰與德為鄰遙知是夜  
檀溪上月照千峯為一人

李十 觀送葬

何事悲酸淚滿巾浮生共是北邙塵他時不見  
北山路死者還曾哭送人

李十一 宿建溪中宵即事

蔭翦一席眠還坐蛙噪螢飛夜未央僮僕舟人  
空寂寂隔簾微月入中倉

李十二 建溪行待陳詡予先發福州陳鎮發中路待之不得

偕行那得會心期先者貪前後者遲空憶麗詞

能狀物每看奇異但相思

七十一  
題王明府郊亭

日日郊亭啓竹扉論桑勸稼是常機山城要得  
牛羊下方與農人分背歸

七十二  
塞上行

聞說胡兵欲利秋昨來投筆到營州驍雄已許  
將軍用邊塞無勞天子憂

七十三  
回別業留別郭中諸公

千山江上背斜暉一徑中峯見所歸不信扁舟  
迴在晚宿雲先已到柴扉

七十四  
九日廣陵登高懷邵二先輩

簪萸泛菊俯平阡飲過三杯却惘然十歲此辰  
同醉友登高各處已三年

七十六  
除夜待酒呈諸兄示舍弟

莫嘆明朝又一春相看堪共貴茲身悠悠寰宇  
同今夜膝下傳杯有幾人

七十五  
題延平劔潭

想象精靈欲見難通津一去水漫漫空餘昔日  
凌霜色長與澄潭白晝寒

七十六  
曉泊漳州營頭亭

迴峯疊嶂遶亭隅數點煙霜勝畫圖日暮華軒  
卷長箔太清雲上送蓬壺

贈山南嚴兵馬使 即僕射堂弟也

為鴈為鴻弟與兄如鷓如鷦傑連英天旋地轉  
煙雲黑共鼓長風六合清

新都行

縹緲空中絲蒙籠道旁樹翻茲葉間吹惹破花上露  
悠揚絲意弄弱花枝住何計晚纏綿天長春日暮  
歐陽助教詩集

鮑溶詩集目錄

一卷

古意

蕭史圖歌

會仙歌

李夫人歌

水殿採菱歌

周先生畫洞庭歌

霓裳羽衣歌

寓興

遊山

隋宮

懷仙二首

懷遠人

懷尹真人

秋晚銅山道中宿隱

者

感懷

經秦皇墓

將歸舊山留別孟郊

留辭杜員外式方

長城

蔡平喜遇河陽馮判官寬夜別

寄福州從事殷堯藩

二卷

壯哉行

章華宮行

倚瑟行

辭輦行

巢烏行

姑蘇宮行

悲哉行

元日早朝行

秋懷五首

秋夜對月懷李正封

廬山石鏡

與峩眉山道士期盡

日不至

述德上太原嚴尚書

山中懷劉修

塞下

送僧南遊

三卷

行路難

子規

秋夜聞鄭山人彈楚妃怨

憶舊遊

白露

經隱叟

秋日山中懷李益端

公

擬古苦哉遠征人

悼豆盧策先輩

首夏

寄天台準公

送僧東遊

送僧之宣城

宣城北樓昔從順陽

公會於此

東高峯

禪定寺經院

范傳真侍御累有寄

因奉酬十首

四卷

越女詞

弄玉詞二首

山行經樵翁

途中旅思二首

舊鏡

宿悟空寺贈僧

感興

秋思

客舍逢鄉人旋別

隋帝陵下

洛陽春望

始見二毛

巫山懷古

郊天迴

溫泉宮

寄歸

贈遠

九日與友人登高

贈楊鍊師

玉清壇

荅客

隋宮

送僧文江

五卷

古意

山中冬思二首

讀史

冬夜荅客

宿吳興道中茗村

代楚老酬主人

沛中懷古

夏日華山別韓博士

愈

春日言懷

題吳徵君巖居

雲溪竹園翁

竊覽都官李郎中和李舍人益酬張舍人

弘靜夏夜寓直思聞雅琴見寄

長安言懷

秋思

歸鴈

悲湘靈

聞蟬

懷幽期

思琴高

得儲道士書

六卷

夜寒吟

采蓮曲二首

玉山謠奉送王隱者

歧路

隴頭水

沙上月

贈李黯將軍

人日陪宣州范中丞

古鑑

送王鍊師

送王損之秀才赴舉

寄張十七校書李行仁秀才

舊鏡

懷郊天

期盡

晚山蟬

秋暮送裴均負外刺婺州

寄薛膺昆季

楊真人籙中像

寄盧給事汀吳負外丹

懷王直秀才

贈真公影堂

贈僧戒休

秋夜懷紫閣峯僧

酬江公見寄

送羅侍御歸西臺

宿水亭

寄我眉山楊鍊師

寄海陵韓長官

淮南臥病感路羣侍

御訪別

題禪定寺參公竹院

補遺

薦冰

風箏

薦冰

襄陽懷古

賦得白日麗江臯

鮑溶詩集目錄

燕米

襄陽謝古

燕米

風華

蘇貴

齊信限

歐陽文忠公詩詞

寄武烈韓長官

華南相識風韻華詩

鮑溶詩集卷第一

古意

女蘿寄青松

一作松栢

絲蔓花綿綿三五定君婚結髮

蚤移天肅肅羔雁禮泠泠琴瑟篇恭承采繫祀

敢效同車賢皎日不留景良晨

一作時

如逝川愁心

忽移愛花貌無歸妍翠袖皓

一作洗

珠粉碧堦封綠

錢新人易如玉廢瑟難為絃寄謝

一作美

薜花木榮

君香閣前豈無搖落苦貴與根蒂連希君回光

景照妾薄暮年

蕭史圖歌



霜綃數幅八月天綵龍引鳳堂堂然小戴蕭仙  
穆公女隋仙大歸玉京去仙路迢迢煙幾重女  
衣清淨雲三素胡髯麤珊瑚雲髻光翠粧皎潔瓊  
華涼露痕煙跡清紅貌疑別秦宮初斷腸此天  
每在西北上紫霄洞客曉煙望

會仙歌

輕輕濛濛龍言鳳語何從容耳有響兮目無踪  
杳杳默默花張錦織王母初自崑崙來茅盈王  
方平在側青毛仙烏銜錦符謹上阿母環起居  
王母書姑姑仙事亦多故一隔絳河千歲餘詳

玉字多喜氣瑤臺明月來墮地冠劍低昂舞  
蹈頻禮容書若君臣事願言小仙藝名許飛  
瓊洞陰玉聲敲天聲樂王母一送玉杯長命酒  
碧花醉靈揚揚笑賜二子長生方二子未及伸  
拜謝蒼蒼上兮皇皇下

李夫人歌

璿閨羽帳華燭陳方士夜降夫人神歲粧半露  
芙蓉色窈窕將期環珮身麗如三五月可望難  
親近一作黛含顰意不言春思秋怨誰能  
問欲求巧笑如生時歌塵在空瑟銜絲神來未

見夢相見一作及夢相見苦帝比初亡心更悲愛之欲其生  
又死東流一作東流萬代無迴水宮漏丁丁夜向晨煙  
消露一作霧散愁方士

水殿采菱歌

宮鴉噪赤光潮聲入宮宮影涼火華啼露橫卷  
塘金堤四合宛垂楊美人荷帚芙蓉粧芙蓉菱縈  
霧棹龍航采蓮一聲吳態長青絲結眼捕鴛鴦

周先生畫洞庭歌

江南客水為鄉舟為宅能以筆鋒知地脉閑分  
楚水入丹青不下此堂臨洞庭水文不浪煙不

動木末稜稜山碧重帝子應哀窈窕雲客人似  
得嬋娟夢六月火光衣上生齋心寂聽潺湲聲  
林冰搖鏡水拂簟盡日獨卧秋風清因遊洞庭  
不出戶疑君如有長生路玉壺先生在何處

霓裳羽衣歌

五煙生窻行經疑晨華在耀鮮相凌人言天孫  
機上親手跡有時怨別無所惜遂令武帝厭雲  
韶金針天絲綴飄飄五聲寫出心中見拊石喧  
金栢梁殿此衣春日賜何人秦女腰肢輕若燕  
香風聞旋衆彩隨聯聯珍珠貫長絲眼前意是

三清客星宿離離遶身白鸞鳳有聲不見身出  
宮入徵隨伶人神仙如月只可望瑤華池頭幾  
惆悵喬山一閉曲未終鼎湖秋驚白頭浪

寓興

念來若望神追往如話夢夢神不無跡誰使煩  
心用魯聖虛泣麟楚狂浪歌鳳那言阮家子更  
作窮途慟

遊山

白道行深雲雲高路彌細時時天上客遺路人  
間世煙花最深處井臼得空刺天寒鶴巢林石

長泉脉閉神化萬靈集心期一朝契不見金版  
書誰知阮家裔終期太古人問取松栢歲

隋宮

御街多行客英華作行客路行客悲春風野老幾代人種  
田煬帝宮零落池臺勢方高低禾黍中

懷仙二首

崑崙九層臺臺上宮城峻西母持地圖東來獻  
虞舜虞宮禮成後迴駕仙風順十二樓上人笙  
歌沸天引徘徊扶桑路白日生離恨青鳥更不  
來麻姑斷書信乃知乘海水清淺誰能問

閬峰綺閣幾千丈

一作崑崙九層幾千丈

瑤水西

英華作四

流十二城

曾見

英華作心羨

周靈王太子碧桃花下自

英華作學

吹笙

### 懷遠人

遠道在天際客行如浮雲浮雲不知歸似我長  
望君秋至漢水高南音何時聞瑤草難遠寄西  
風氣氤氳常恐山岳游不反鸞鳳群無厭坐遲  
人風雨驚斯文

### 懷尹真人

萬里登嶂翠一心浮雲閑羽人杏花發倚樹紅  
瓊筵流水杳冥外女蘿陰陰間却思人間世多

恐不可還青鳥

難遠春雲晴不閑但恐五雲

車山上復有山

### 秋晚銅山道中宿隱者

我鄉山川遙秋晚空景促天明共霞散日落依  
鳥宿主人逃名子鶴髮卧空谷野言得真氣山  
貌宜古服喜於無聲地暫傲羲和俗秋窻照踈  
螢寒犬吠落木朝隱留此處一點天邊宿今憶  
見此時黍悲覽止足遲遲清夜晝幽路出深竹  
笑謝萬戶侯余將耻干祿

### 感懷

宿心不覺遠事去勞追憶曠古川上懷東流幾  
時息門前青山路眼見歸不得曉夢雲月光過  
秋蘭蕙色

經秦皇墓

左崗青虬盤右坂白虎踞誰識此中陵祖龍藏  
身處別爲一天地下入三泉路珠華翔青鳥玉  
影耀白兔山河一易姓萬事隨人去白晝盜開  
陵玄冬火焚樹哀哉送死厚乃是棄身具死者  
不復知回看漢文墓

將歸舊山留別孟郊

翻三窟見射妖星落九天江上柳營迴鼓角河  
陽花府望神仙秋風蕭颯喜中別白馬嘶霜雁  
叫煙

寄福州從事殷堯藩

越嶺寒輕物象殊海城臺閣似蓬壺幾回入市  
鮫綃女終歲啼花山鷓鴣雷令劍龍知去未虎  
夷雲鶴亦來無就中靜事冥宵話何惜雙輪訪  
病夫

鮑溶詩集卷第一

丙辰正月廿四日歸洋寓燈下校竟此卷

擇木無利刃羨魚無巧綸如何不量力自取中  
路貧前者不厭耕一日不離親今來千里外我  
心不在身悠悠慈母心唯願才如人蠶桑能幾  
許衣服常著新一飯吐尺絲誰見此殷勤別君  
歸耕去持火燒車輪

留辭

英華作別

杜負外式方

東風吹旅懷鄉夢無夜無慚見

英華作歎

君子堂貧思

上歸途海岳泛

一作述

念深消塵復何須婆娑不材

本屈曲無弦弧惻惻奉離罇承歡獨向隅時當

鳳來日孰用雞鳴夫

一本無此二句

迴首九仙門皇家在玉

壺慚非海人別淚下不成珠

長城

蒙恬虜生人北築秦民冤禍興蕭牆內萬里防

禍標城成六國亡宮闕幾英華作千人千人英華作千年文粹作宮闕啓千門生人

半為土何用空中原奈何家天下骨肉尚無恩

文粹作奈何天下投沙擁海水安得久不翻乘高慘人魂

寒日易黃昏朽骨文粹作枯骨貫折鏃英華作石砂中文粹作如有言

萬歲文粹作誰驪山下文粹作葬徒悲文粹作誰知野火燔

蔡平喜遇河陽馮判官寬夜別

一事東軍正四年相逢且喜偃兵前看尋狡兔

鮑溶詩集卷第二

壯士行

西方太白高壯士羞病死心知報恩處對酒歌

易水沙鴻嗥天末橫劍別妻子蘇君執節歸班

超束書起山河不足重重在遇知己

章華宮行

煙渚南鴻呼晚群章華宮娥怨行雲十二巫峰

仰天綠金車何處邀雲宿小腰矮墮三千人宮

衣水碧顏青春豈無一人似神女忍使黛娥常

不伸黛娥不伸猶自可春朝諸處門長鎖

倚瑟行

金輿傳驚灞澹水

作灞水涯

龍旗參天行殿魏左文皇

帝右慎姬北面侍臣張釋之因高知處邯鄲道

壽陵已見生秋草萬世何人不此歸一言出口

堪生老高歌倚瑟流

揚一作

清悲徐樂

樂餘一作

哀生知為

誰臣驚歡歎不可望

一作謠歎不可放

願賜一言釋名妄明

珠為日紅亭亭水銀為河玉為星泉宮一閉秦

國喪牧童弄火

一作笛

驪山上與世無情在速貧棄

尸於野由斯葬生死茫茫不可知視不一姓君

莫悲始皇有訓二世哲君獨何人至於斯

一本無此四句

君

不見灞陵一代無發毀儉風本自張廷尉

辭輦行

漢家代久淳風薄帝重微行極荒樂青娥三千

奉一人班女不以色事君

停玉輦詔同載三

十六宮皆盼睽不驚六馬緩天儀從容鳴環前

致辭君恩如海恩難極妾命如花輕易絕願陪

阿母同小星敢使太陽齊萬物周末幽王不可

宗妾聞上聖遺休風五更三老侍白日八十一

女居深宮願將輦內有餘席迴賜忠臣妾恩澤

一時節義動賢君千年名姓香氛氤漸臺水死



何傷聞

巢鳥行

鳥生幾子林蕭條雄鳥求食雌守巢夜愁風雨  
巢傾覆常見一鳥巢下宿日長雛飢雄未回雌  
鳥下巢去哀哀野田春盡少遺穀尋食不得飢  
飛來黃雀亦引數青雀雀雀飛未還鳥驚落既分  
青雀噉爾雛爾雛雖長心何如將飛不飛猶未  
忍古瑟寫哀哀不盡殺生養生復養生嗚嗚嘖  
嘖何時平

姑蘇宮行

姑蘇宮九層金臺半虛空雕楹璇題鬪皎潔中  
有妖姬  
明月西見洞庭秋鏡開水華百里盤  
宮來越王采女能水戲仙舟如龍旌曳翠羽蓋  
晴飛橘柚香玉笙夜送芙蓉醉歸帆平靜君無  
勞還從下下上高高

悲哉行

促促晨復昏生死同一原貴年不懼老賤者一作老  
傷久存朗朗哭前歌絳旌引幽魂來爲千金子  
去卧百草根黃土塞生路悲風送回轅一作輪金鞍  
舊良馬四顧不入門生結千歲一作載念榮華及

百孫黃金買性命白刃酬一言寧知北山下松  
栢侵田園

元日早朝行

乾元發生春爲宗盛德在天斗建東東方歲星  
大明宮南山喜氣搖晴空望雲五等舞萬玉獻  
壽一聲千峰文昌垂彩禮樂正太帝下

旌旄斷爾春風前直如朱絲非爾妍

秋懷五首

促促生有涯營營意無限無限意未申有涯生  
已晚恩榮不可恃天道歸寸管老如影隨人時

若車下坂行者歸期盡居人心更遠涼風日蕭  
條親戚長在眼多憂知無黍聖賢莫能免烏容  
投本枝生生復深淺

秋曉客迢迢月清風楚楚草蟲夜侵我唧唧床  
下語流年白日馳微願不我與心如練絲綸展  
轉多頭緒憑觴散煩援瑟清夜拊迴感帝子  
心空堂有煙雨絲減悲不減器新聲更古一弦  
有餘哀何況二十五

九月夜如年幽房勞別夢不知別日遠夜夜猶  
相送玉床暗蟲響錦席寒淚凍明鏡失舊人空

林悞歸鳳新年堪愛惜錦字亦珍重一念皎皎  
時幽襟非所用

金氣白日來踈黃滿河關平居乏愉悅况復身  
險艱一意思鄉苦一望容人還兩心四海中誰  
不傷年顏雙燕不巢樹浮萍不生山性命君由  
天安

易其間休悲

蟲苦此日無人閑

龍荒變露色燕雀南為客遊子聲影中涕零念  
離析四時如車馬轉此今與昔往歡在空中存  
事委幽跡翩翩口斂照朗朗月繫夕物生春不  
留年壯老還迫天機杳何為長壽與松栢

秋夜對月懷李正封

援琴悵獨立高月對秋堂美人遠於月徒望空  
景光坐

執手時七絃起淒涼平生知音少君

子安可忘客意如夢寤路岐遍四方日遠迷所

之滿天心暗傷主奉二鯉魚中含五文章惜無

千金苔愁思盈中腸此夕臨風歎零露沾衣裳

廬山石鏡

東嶽採薇人巖際朝見月怪墮幽蘿間非時更  
澄澈綠蘿就玉兔再與高鳥歇清光照掌中始  
悟石上發誰傳陰陽火鑄此天地物深影藏半

山虛輪帶凝雪早迴謝公賞今遇樵夫說白日  
乘綵霞翩翩對容髮我圖辨鬼魅信美留煙闕  
形神乍相逢竟夕難取別其如終年照可化黃  
金骨

與峨眉山道士期盡日不至

傾景安再中人生有何常期爲少君別風馭峨  
眉陽結我千日期青山故人堂期盡師不至望  
雲空燒香顧慚有限身易老白日光懷君屢驚  
歎支體安能強往聞清修錄未容服食方瑤田  
有靈芝眼見不見嘗玉壺貯天地歲月亦已長

昔用壺中景東溟又堪傷寄言赤玉簫夜夜吹  
清商

述德上太原嚴尚書綬

一作王尚書  
無綬字

帝命河嶽神降靈翼軒轅天王委管籥開閉秦  
北門頂戴日月華沾濡雨露恩甲馬不及汗天  
驕自亡魂清塚入內地黃河窮本源風雲寢氣  
象鳥獸翔旗旛軍人歌無胡長劍倚崑崙終古  
鞭血地到今耕稼繁樵客天一畔何由拜旌軒  
願請執御臣爲公動朱轡豈令群荒外尚有辜  
帝恩願陳田舍歌暫息四座喧條桑去附枝薤

草絕本根可惜漢宮主哀哀嫁烏孫

山中懷劉修

松老秋意孤夜涼吟風水山人在遠道相憶中  
夜起春光如不至幽闌含香死響象離鶴情念  
來一相似月掩斜扉卧又在夢魂裏

塞下

一作上

北風號薊門殺氣日夜興咸陽三千里驛馬如  
飢鷹行子久去鄉逢山不敢登寒日慘大野虜  
雲若飛鵬西北防秋軍麾幢宿層層匈奴天未  
喪戰鼓長登寒漢卒馬上老  
纓空絲繩誠知

天所驕欲羅又不能

送僧南游

且攀隋宮柳莫憶江南春師有懷鄉志未爲無  
事人

鮑溶詩集卷第二

四月廿四日校

鮑溶詩集卷第三

行路難

玉堂向夕如無人  
絲竹儼然宮商死  
細人何言入君耳  
塵生金罇酒如水  
君今不念歲蹉跎  
雁天明明涼露多  
華燈青凝久照夜  
綵僮窈窕虛垂蘿  
入宮見妬君不察  
莫入此地出風波  
此時不樂早休息  
女顏易老君如何

子規

中林子規啼云是古蜀帝  
蜀帝胡爲鳥驚急如  
罪戾一啼艷陽節  
春色亦可替再啼  
孟夏林密

葉堪委翳三啼涼秋曉景物生意細四啼玄冥  
冬雲物慘不霽芸黃壯士髮淚灑幽姬袂悲深  
寒鳥雛哀掩病鶴翅胡爲託幽命庇質無定毳  
戚戚含至冤搗搗忌群勢吾聞鳳皇長羽族皆  
受制盍分翡翠毛使學鸚鵡慧敵怨不在絃一  
哀尚能繼擗命不知休血泣經世世古風失中  
和衰代因鄭衛三歎尚淫哀向渴豈流涕如因  
異聲感樂與中腸契至教一昏蕪生人遂危脆  
古意歎通近如上青天際荼蓼久已甘死勞堇  
葵惠誰聞子規苦思與正聲計

秋夜聞鄭山人彈楚妃怨

明月搖落夜深堂清淨絃中間楚妃奏十指哀  
嬋娟寥寥夜合風蕩蕩意如泉寂莫物無象依  
稀語空煙旅人多西望客雁難南前由來感神  
事豈爲無情傳容華能幾時不再來者年此夕  
河漢上雙星合淒然

憶舊遊

憶求無何鄉了在赤谷村仙人居其中將往問  
所存日入濛汜宿石煙抱山門明月久不下半  
峰照啼猿堂上白鶴翁神清心無煩齋心侍席

前跪請長生恩云昔崆峒老何辭受軒轅從星  
使變化任日張乾坤若到舊鄉里宛如曾討論  
風移崑花氣珠貫金經言涼夜惜易盡青煙謝  
晨喧自惟腥羶體難久留其藩幾世身在夢愚  
智相憂寃歎息幾晚寤蒙師招其魂至今瑤華  
心毋想清水源

白露

清蟬暫休響音曲豈露路還移色金飈爽晨華玉壺增  
夜色已低踈螢燄稍減力迎社促燕心助  
風勞雁翼一悲統綺情再想清淺憶高高拜月

歸軋軋挑燈織盈盈玉盤淚何處無消息

經隱叟

行踏門外泉坐披床上雲誰將許由事萬古留  
與君虛洞閉金鎖蠹簡藏烏文蘿景深的的蕙  
風閑薰薰余有世上心此來未及群殷勤諱名  
姓莫遣樵客聞

秋暮山中懷李益端公

一本益字  
在端公上

舊事與日遠酒花仍舊香前年繡衣客此節過  
此堂侍臣不自高笑脫文粹繡衣裳眠雲有餘意  
文粹入鳥不亂行我恐雲嵐色損君鞍馬光君言



此何言且若覆前觴古人重一笑買日金輕裝  
日盡秉燭遊千年不能忘文粹關邑上六句君言此何言明

日文粹作今日皆異鄉明日非今日山下文粹作下山道路長一從

下山來文粹作去天地再炎涼此中會文粹作期果難得夢君馬

玄黃

擬古苦哉遠征人一本題上有擬古二字

征人歌古曲攜手上河梁李陵死別處宵杳玄

冥鄉憶昔從此路連年征鬼方久行迷漢曆三

死擅衣一作裳百戰身且在微功信難忘遠承雲

端議非勢孰敢當落日弔李廣白身過河陽閑

弓失月影勞劍無龍光去日始束髮今來髮一作髮

成霜虛名乃閑事生見父母鄉掩抑一作掩抑大風樂

徘徊少年場誠哉古人言烏盡良弓藏

悼豆盧策先輩

喪車出東門生時馬無力何處入黃泉高嵩高山

西北室人萬里外久望君官職今與牽衣兒翻

號死消息平生江海我不空相識遠客迷畏

途孤鴻傷一翼行將雞黍祭已是烏鳶食勸酒

執御郎行人有哀色先悲三尺土經歲哭不得

眼前雙雙流故袂安可拭一拜隔千里生人意

何極唯有陽春曲永播清王德

首夏

昨日青春去晚峰尚含妍雖留有餘態脉脉憂  
防前幽人惜時節對此感流年

寄天台準公

赤城橋東見月夜佛壠寺邊行月一作道僧閑一作足踏  
莓苔繞一作把琪樹海光清淨對心燈

送僧東游

風流東晉後外學入僧家獨唱郢中雪還游天  
際霞雲村共香飯水園一作園秋花景物添新致前

程詎可涯

送僧之宣城

昔從謝太守賓客宛陵城有日持齋戒高僧識  
姓名秋風送客去安得盡忘情

宣城北樓昔從順陽公會於此

詩樓郡城北窻牖敬亭山幾步塵埃隔終朝世  
界閑憑詩看粉壁名姓在其間

東高峰

一作東峰亭

東亭最高峙春樹繞山腰畫裏青鸞客雲中碧  
玉簫秋風若西望爲我一長謠

禪定寺經院

蓮花不朽寺雕刻滿山根石汗知天雨金泥落  
聖言思量施金客千古獨銷魂

范傳真侍御累有寄因奉酬十首

昨日新花紅滿眼今朝美酒綠留人更宜明月  
含芳露憑仗蕭郎夜賞春

白雪剪花朱蠟蒂折花傳笑惜春人請君白日  
留明日一醉春風莫厭頻

雲髻鳳紋細當作細對君歌一作俱少年萬金一作兼金酬一願

一作飲可惜十千錢

玉管傾杯樂春園鬪草情野花無限意處處逐  
人行

聞道中山酒一杯千日醒黃鶯似傳語勸酒太  
叮嚀

紅袂歌聲起因君始得聞黃昏小垂手與我駐  
浮雲

相勸醉年華莫醒春日斜春風宛陵道萬里晉  
陽花

碧綠草縈堤紅藍花滿溪願君常踐路莫使暗  
萋萋

萋萋巫峽雲楚客莫留恩歲久晉陽道誰能向  
太原

歲酒一作勸屠蘇楚聲山鷓鴣春風入君意千日  
不須臾

鮑溶詩集卷第三

三月二十四夜

鮑溶詩集卷第四

越女詞

越女芙蓉衣浣紗清淺水忽驚春心晚不敢思  
君子君子縱我思寧來浣溪裏

弄玉詞二首

素女結念飛天行白玉參差鳳皇聲天仙借女  
雙翅濛五燈繞身生入煙無影空

三清弄玉秦公女嫁得天上人瓊簫壁月呼朱  
雀攜手上謁玉晨君夫妻同壽萬萬青春

山行經樵翁

我心勞我身遠道誰與論心如木中火憂至常  
自燔彼訪結恩弟世人輕報恩女無良媒識知  
入何人門寒日行深山路由谷中村田翁樵采  
熟男女謳吟喧借問身命謀上言媿乾坤時清  
公賦薄力勤地利繁下念草木年坐家見重孫  
舉案饋賓客糟漿盈陶樽醉閑鹿裘暖白髮舞  
軒軒仰羨太古人余將破行轅遑遑問身事師  
友難爲言離歌又行去落日低寒泉

途中旅思二首

喔喔雞鳴曉蕭蕭馬辭櫪草草名利區居人少

於客生期三萬日童髦半虛擲修短命半中憂  
懽復相敵朝提黃金爵莫造青松宅來往日相  
悲北邙田土窄栽栽天岳  
錦繡明翠壁中有  
不死鄉千年無人跡心期周太子下馬拜虛碧  
鶴駕如可從他年執煙策

星出方問宿睡眠始朦朧天光見地色上路車  
幢幢時物既老大衆山何枯空青冥見古栢寥  
朗聞踈鴻獨步天地間無因爲君忠白毛尋人  
憂生此頭髮中躍馬非壯歲報恩無高功斯言  
化爲火日在焚深衷

舊鏡

嬋娟本家鏡與妾歸君子每憶並照時相逢明月裏春風忽分影白日難依倚珠粉不結花玉璫寧輝耳心期不可見不保長如此華髮一欺人青銅化爲鬼良人有歸日肯學天桃李瑤匣若浮雲冥冥藏玉水侍兒不遣照恐學孤鸞死

宿悟空寺贈僧

勞者謠燭蛾致身何營營雪山本師在心地如鏡清往與本師別人間買浮名朝花畏不久內火燒人情迷路喜未遠宿留化人城前心宛如此了了隨靜生維持蒼蘆花却與前心行

感興

幽人無名跡別易會則稀黃鶴亦姓丁寥寥何處飛時見海上山繞雲心依依諒無馭風術中路愁虛歸童髮慕道心壯年墮塵機白日不饒我如今事皆非群羊化石盡雙鳧與我違  
岳  
黃金富軒轅曉霞衣誰令日在遠客色煙雲微

秋思

楚客秋更悲皇皇無聲地時無無事人我命與身異良時如飛鳥回掌成故事蹉跎秋定還凝

冽堅冰至人生不期老華髮誰能避感此惜壯  
年壯年少爲貴我生雖努力榮途難自致徒爲  
擊角歌且慚雕劍字吾懃罕言命感激潛傷思  
客舍逢鄉人旋別

驚鴻一斷行天遠會無因無因忽相會感歎若  
有神我鄉路三千百里一主人一宿獨何戀何  
况舊鄉鄰牢落歲華宴相憐客中貧迎霜君衣  
暖與我同一身誰在天日下此生能不勤青萍  
寄流水安得長相親明發更遠道山河重苦

隋帝陵下

白露沾衣隋主宮雲亭月館楚淮東盤龍樓艦  
浮冤水雕錦帆幢使亂風長夜應憐桀何罪告  
成合笑禹無功傷心近似驪山路陵樹無根秋  
草中

洛陽春望

五鳳樓南下洛陽龍門迴合抱蒼蒼受朝前殿  
雲霞暖封嶽行宮草木香四海爲家知德盛二  
京有宅卜年長東人猶憶時巡禮願覲元和日  
月光

始見二毛

玄髮迎憂光色闌衰華因鏡強相看百川赴海  
返潮易一葉報秋歸樹難初弄藕絲牽欲斷又  
驚機素剪仍殘顏生豈是光陰晚余亦何人不  
自寬

巫山懷古

十二峰巒鬪翠微石煙花霧犯容輝青春楚女  
妬雲老白日神人入夢稀銀箭暗凋歌夜燭珠  
泉頻點舞時衣誰傷宋玉千年後留得青山辨  
是非

郊天迴

日動蕭煙上泰壇帝從黃道整和鑿風前貔武  
迴雕仗雲裏神龍起畫竿金鳥赦書鳴九野玉  
山壽酒舞千官始知報本終朝禮舊典時巡只  
自難

溫泉宮

憶昔開元天地平武皇十月幸華清山蒸陰火  
雲三素日落溫泉雞一鳴綵羽鳥仙歌不死翠  
霓童女舞長生仍聞老叟垂黃髮猶說龍髯縹  
緲情

寄歸



河草黃來見雁稀隴雲白後少人歸新絲強入  
未衰鬢別淚應沾猶宿衣幾夕精誠拜初月每  
秋河漢對空機更看出獵相思苦不射秋田朝  
雉飛

贈遠

辛苦關西車騎官幾年旌節客河蘭金泥舞虎  
精神暗銀縷交龍氣色寒欲和古詩成竇錦倍  
悲秋扇損齊紈莫勞雁足傳書信願向凌煙閣  
上看

九日與友人登高

雲木踈黃秋滿川茱萸風裏一樽前幾迴爲客  
逢佳節曾見何人再少年霜報征衣冷鍼黹雁  
驚幽夢淚嬋娟古來醉樂皆難得留取窮通付  
上天

贈楊鍊師

紫煙衣上繡春雲清隱山書小篆文明月在天  
將鳳管夜涼吹向玉晨君

玉清壇

上清宮裏女玉色楚人多西信無因得東游奈  
樂何

荅客

竹間深路馬驚嘶獨入蓬門半似迷勞問圃人  
終歲事桔槔聲裏雨春畦一作雨聲低

隋宮

柳塘煙起日西斜竹浦風迴雁弄沙煬帝春游  
古城在壞宮芳草滿人家

送僧文江

吳王劍池上禪子石房深久慕白雲性忽勞青  
玉音孤高知勝鶴清雅似聞琴此韻書珍重煩  
鐔出定吟

鮑溶詩集卷第四

三月廿四夜校

鮑溶詩集卷第五

古意

重錦化爲泥剪刀誤人事夜裁遠道書剪破相  
思字妾心不自信遠道終難寄客心固多疑肯  
信非人意萬事不言遠歸書長相次可即由此  
書空房

忌諱

山中冬思二首

山深先冬寒敗葉與林齊門巷非世路何人念  
窮栖哀風破山起夕雪誤鳴雞巢鳥侵旦出飢  
猿無聲啼晨興動煙火開雲伐冰溪老木寒更

瘦陰雲晴亦低我貧自求力顏色常低迷時思  
靈臺下游子正悽悽

雲壯水亦堅凍澗如平地幽人毛褐暖笑就糟  
床醉喚人空谷應開火寒猿至拾薪煮秋粟看  
鼎書古字忽憶南澗僧衣巾多雲氣露脚尋逸  
僧諮量意中事

讀史

鬼書報秦亡天地亦云閉赤龍吟大野老母哭  
白帝蒼蒼無白日項氏徒覓濟六合已姓劉鴻  
門事難制坑降嬴政在衣錦人望替宿昔見漢

兵龍蛇滿旌祭始矜山可拔終歎雖不逝區區  
亞父心未究天人際蕭張馬無汗盛業垂千世

冬夜荅客

冬日誠可愛不如夜漏多幸君霜露裏車馬犯  
寒過學耕不逢年稂莠敗黍禾豈唯親賓散鳥  
鼠移巢窠獨見青松心凌霜庇柔蘿壯日賤若  
此留恩意如何因憶古丈夫一言重山河臨風  
彈楚劍爲子奏燕歌

宿吳興道中茗村

浮客倦長道秋深夜如年久行惜日月常起雞

鳴前夕計今日程息車在茗川霜中水南寺金  
磬泠泠然疇昔此林下歸心巢頂禪身體寤昏  
智月生虛圓羈旅違我程去留難雙全觀身  
話往事如夢游青天明發止賓從寄聲琴上絃  
聊書越人意此曲名思仙

代楚老酬主人

流水爲我鄉扁舟爲我宅二毛去天遠幾日人  
間客瞳瞳銜山景渺渺翔雲跡從時無定心病  
處不暖席煩君問岐路爲我生淒感百年衣食  
身未死皆有役曾傷無遺嗣縱有復何益終古

北邙古樵人賣松栢

沛中懷古

煙蕪歌風臺此是赤帝鄉赤帝今已矣大風邈  
淒涼惟昔仗孤劍十年朝八荒人言生處樂萬  
乘巡東方高臺何巍巍行殿起中央興言萬代  
事四坐沾衣裳我爲異代臣酌水祀先王撫事  
復懷昔臨風獨彷徨

夏日華山別韓博士愈

別地太華陰孤亭潼關口夏日可畏時望山易  
長久暫因車馬倦一逐雲先後碧霞氣爭寒黃

鳥語相誘三峰多異態迥舉仙人手天晴日  
輪月夕弄星斗幽疑白帝近明見黃河走遠心  
不期來真境非我有鳥鳴草木下日息天地右  
躑躅因松風青冥謝仙叟不知無聲淚中感一  
顏厚青霄上何階別劍空朗扣故鄉此關外身  
與名相守跡比斷根蓬憂如長飲酒生離抱多  
恨方寸安可受咫尺岐路分蒼煙蔽回首

春日言懷

湛湛琴前酒期自賞青春胡爲緘笑語深念不  
思身寂寂花舞多嚶嚶鳥言頻心悲兄弟遠願  
見相似人江界田土早競來東作勤歲寒虛盡  
力家外無強親杳窅青雲望無途同苦辛

題吳徵君巖居

堯澤潤天下許由心不知真風存綿綿常與達  
者期有道吾不仕有生吾不欺淡然雲府中獨  
見太古時地脉發醴泉巖根生靈芝天文若通  
會星影應離離亭亭傅氏巖何獨萬古思

雲溪竹園翁

礧礧雲溪裏翠竹和雲生古泉積澗深竦竦如  
刻成楚客卧雲老世間無姓名因茲千畝業以

代雙牛耕亂林不可留寸莖不可輕風暖闢出  
地仰齊故年莖幽室結白芡密葉羅衆清照水  
寒澹蕩對山綠崢嶸蒼翠含古貌秋桂儼白英  
相看受天風深夜憂擊聲

竊覽都官李郎中和李舍人益酬張舍

人弘靜夏夜寓直思聞雅琴見寄

朝草天子奏夜語思憂琴因聲含香氣其韻流  
水音仙樂朱鳳意靈芝紫鸞心翻然遠求友豈  
獨雙歸林松吹暑中冷星花池上深倘俾有聲  
樂請以絲和金

長安言懷

殷殷生念厚戚戚勞者多二時晝夜等百歲詎  
幾何日下文翰苑側身識經過千慮恐一失翔  
陽已蹉跎臨觴翦衆憂靜寄絲桐歌思歸繞十  
指五聲不相和莫天還巢翼明日隕葉柯高謝  
巖谷人鹿衣帶女蘿生不去親愛浮名若風波  
誰令不及此親愛隔山河

秋思

胡風吹雁翼遠別無人鄉君近別來處幾迴斷  
君腸音奉千日書撫心怨星霜無書又千日世

一作君若  
謂不死

路重茫茫燕國香佳麗蛾眉富春光自然君歸  
晚花落君空房君若謂不死歲晚雙鴛鴦

### 歸雁

南國春蚤暖渚蒲正月生東風吹雁心上下和  
樂聲繞水半空去拂雲借相迎如防失群怨預  
有侵夜驚渺邈天外影支離寒中嚶自顧摧顏  
羽偏感南北情乍甘煙霧勞不顧龍沙紫雖樂  
未歸意終不能自鳴喜去春月滿歸來秋風清  
啼餘碧窻夢望斷陰行不及瑤燕寄身金  
宮楹

按燕雀二字亦補均有誤

### 悲湘靈

山上涼雲收日斜川風止娥皇五十絃秋深漢  
江水初因無象外牽感百憂裏霜露結瑠心煙  
波勞玉指將隨落葉去又繞踈蘋起哀響雲合  
來清餘桐半死女顏萬歲後空復嬋娟子不道  
神無悲那能久如此魂魄無不之九山徒相似  
沒沒竟不從唯傷遠人耳班班淚篁下恐有學  
瑟鬼

### 聞蟬

高蟬旦夕嗷景物浮涼氣木葉漸驚年錦字因



絡緯稍斷當窻夢更淒臨水意清香筍蒂風曉  
露蓮花淚餘引未全歇凝悲尋迴至星井欲望  
河月扇看藏笥誰念因聲感放歌寫人事

懷幽期

清霜擊聲天外發楚僧期到石上月寒峰深虛  
獨遶盡夜水淺急不可越宵機冥智難思量無  
盡性月如空王眼界行處不著我天花下來唯  
有香我今胡爲寄他鄉

思琴高

琴仙人得仙去萬古釣龍空有處我持曲鈎思

白魚仙溪綠靜含秋虛天鈎踪跡無遺餘燒香  
寄影在巖樹東禮海日雞鳴初

得儲道士書

嬋娟春盡莫心愁鄰里同年半白頭爲問蓬萊  
近消息海波平淨好東游

鮑溶詩集卷第五

四月廿五日早起校此

鮑溶詩集卷第六

夜寒吟

九衢金吾夜行行上宮玉漏遙分明霜飈乘陰  
掃地起旅鴻迷雪遶枕聲遠人歸夢旣不成留  
家惜夜歡心發羅幕晝堂深皎潔蘭煙對酒客  
幾人戰火揚光二三月細腰楚姬絲竹間白苧  
長袖歌閑閑豈識苦寒換朱顏

采蓮曲二首

弄舟竭來南塘水荷葉映身摘蓮子暑衣清一作鮮  
淨鴛鴦喜作浪舞花驚不起殷勤護惜纖纖指

水菱初熟多新刺

采蓮竭來水無風蓮潭如鑑一作鏡松如龍夏衫短袖  
交斜紅艷歌笑鬪新芙蓉戲魚往聽蓮葉東

玉山謠奉送王隱者

鳳凰城南玉山高石脚聳立爭雄豪橫峰胎玉  
氣色潤百泉透雲流不盡萬古分明對眼開五  
煙窈窕呈祥近有客事師金身仙用金買得山  
中田閑開玉水灌芝草靜醉天酒一作酒松眠心期  
南溟萬里外出山幾遇光陰改水玉丁東不可  
聞兵革皎潔應如待秋風引我歌去來玉山綵

翠遙相推殷勤千樹玉山顶碧洞寥寥寒錦苔

岐路

自人間多岐路起至况復非其名文粹多此十二句

北風送微寒待李動文粹作徒偶勤遠程憂人席不暖殘

月馬上明飄飄岐路間長見月文粹作月初生重峰文粹作嶂

晚文粹作曉色淺踈猿寒啼清人間多岐路常恐終身

行迴見四方人車輪無留聲空谷亦堪隱下田

非懶耕古人有遺訓飽食非親榮我生禮義鄉

少小見太平聖賢猶羈旅况復非其名人生能

幾許三十塵中行感此長歎息百年何所營

隴頭水

一本缺世間多歧路以下三句  
末接人生能幾何四句

隴頭水千古不堪聞生歸蘇屬國死別李將軍  
細響風凋草清哀雁落雲

沙上月

黃昏潮落南沙明月光涵沙秋雲清水文不上  
煙不蕩平平玉田冷空曠

贈李黯將軍

細柳連營石漸牢平安狼火赤星高巖雲入角  
雕龍爽寒日搖旗畫獸豪搜伏雄兒欺罔兩射  
聲游騎怯分毫聖人唯有河隍恨寰海無虞在  
一勞

人日陪宣州范中丞

類苑丞下有傳正鮑防詩一本侍御  
與范侍御宴七字有傳曾宴東峰亭  
二字

人日春風綻早梅謝家兄弟看花來吳姬對酒  
歌千曲秦女留人酒百杯絲柳向空輕一作初宛轉  
玉山看日漸徘徊流光易去歡難得莫厭頻頻  
上此臺

古鑑

古鑑合召靈氣象和蛟龍盤鼻護金波隱山道士  
未曾識負局先生不敢磨曾向春窓分綽約誤  
迴秋水照蹉跎世間縱有應難比十斛明珠酬  
未多

送王鍊師

聖母祠中藥樹香  
邑君承命薦椒漿  
風雲大感精神地  
雷雨頻過父母鄉  
盡日一川侵草綠  
迴車二麥遶山黃  
野人久會神仙事  
敢奏歌鐘慶萬箱

送王損之秀才赴舉

青門珮蘭客  
淮水垂風流  
名在鄉書  
具心期  
月桂遊平沙  
大河急  
細雨二陵秋  
感此添離恨  
年光不少留

寄張十七校書李行仁秀才

去年八月此佳辰  
池上閑閑四五人  
久行月影愁迷夢  
誤入花光笑認春  
一與清風上芸閣  
再期秋雨過龍津  
今年此日何見蓬戶  
蕭條對病身

舊鏡

團團銅鏡似潭水  
心愛玉顏私自親  
一經離別少年改  
難與清光相見頻

憶郊天

憶向郊天望武皇  
九軍旗帳下南方  
六龍日馭天行捷  
神母呈圖地道光  
濃暖氣中生曆草  
是

非煙裏愛瑤漿至今滿耳簫韶曲徒羨瑤池舞  
鳳凰

期盡

魚鑊生衣門不開玉筐金月共塵埃青山石婦  
千年望雷雨曾知來不來

晚山蟬

山蟬秋晚妨人語雲木寒來愧馬嘶能問幾時  
新碧樹不知何處寂金閨若逢海月  
千里莫  
忘何郎寄一題

秋暮送裴垵台外刺婺州

婺州星邊氣不秋金華山水似瀛洲含香太守  
心清淨去與神仙日日游

寄薛膺昆季

楚山清洛兩無期夢裏春風玉樹枝何況芙蓉  
樓上客海門江月亦相思

楊真人籙中像

畫中留得清虛質人世難逢白鶴身應見茅盈  
衰老弟爲持金籙救生人

寄盧給事汀吳負外丹

姓丁黃鶴遼東去

仙翁海上人聞道姓名

多變故只今皆是聖朝臣

懷王直秀才

鄉無竹圃爲三徑貧寄鄰家已二年惟有素風  
身未墜世間開口不言錢

贈真公影堂

舊房西壁畫支公昨暮今晨色不同遠客關心  
無處所獨添香火望虛空

贈僧戒休

風行露宿不知貧明月爲心又是身欲問月中  
無我法無人無我問何人

秋夜懷紫閣峰僧

滿山雨色應難見隔澗經聲又不聞紫閣夜深  
多入定一作靜石臺誰爲掃秋雲

酬江公見寄

曾參雁門偈爲憐同社人多慚惠休見一作偕得此  
陽春

送羅侍御歸西臺

歸臺新柱史辭府舊英髦勸酒蓮幕貴望塵驄  
馬高詩情分繡段劍彩拂霜毫此舉關風化誰  
云別恨勞

宿水亭

雕楹綵檻壓通波魚鱗碧幕銜曲玉夜深星月  
伴芙蓉如在廣寒宮裏宿

寄峨嵋山楊鍊師

道士夜誦蕊珠經白鶴下遶香煙聽夜移一作深經  
盡人上鶴仙風吹入秋冥冥

寄海陵韓長官

吏散重門印不開玉琴招鶴舞徘徊野人爲此  
多東望雲雨仍從海上來

淮南卧病感路群侍御訪別

西臺御史重離言落木踈籬遶病魂一望青雲  
感驄馬欵行黃草出柴門

題禪定寺參公竹院

公門得休淨禪寺少逢迎任客看花醉隨僧入  
竹行歸時常犯夜雲裏有經聲

鮑溶詩集卷第六

三月二十五日校



鮑溶詩補遺

薦冰

西陸宜先啟春寒寢廟清曆官分氣候天子薦  
精誠已辨瑤池色如和玉珮鳴禮餘神轉肅曙  
後月殘明雅合冰容潔非同雪體輕空憐一掬  
水珍重此時情

風箏

何響與天通瑤箏掛望中彩絃非觸指錦一作瑟  
忽聞風雁柱虛連勢鸞歌且墜空夜和霜擊磬  
晴引鳳歸桐幽咽誰生怨清冷自匪躬秦姬收

寶匣搔首不成功

已上見文苑英華

### 薦冰

凌寒開涸冱寢廟致精誠色靜澄三酒光寒肅  
兩楹形鹽非近進玉豆爲潛英禮自春分展堅  
從北陸成藉茅心共結出鑑水  
明幸得來觀  
薦靈臺一小生

### 襄陽懷古

襄陽太守沉碑意身後身前幾年事  
江千歲  
未爲陵水底魚龍應識字

### 賦得白日麗江臯

遲景臨遙水晴空似不高清明開曉鏡昭晰辨  
秋毫鬱鬱長堤上離離淺渚  
煙銷占一候風  
靜擁千艘獨媚青春柳宜看白鷺濤何年謝公  
賞遺韻在江臯

已上見唐詩類苑

假鄧三閭同年歲運合鈔本補詩若干首錄如別  
紙補遺卷內有薦冰及白日麗江臯二首爲鈔本  
所無當是漏收非有疑義也丙辰正月廿五日沈林記

鮑溶詩補遺

秋思

顧兔蝕殘月幽光不如星女兒晚事夫顏色同  
秋螢秋日邊馬思武夫不遑寧燕歌易水怨劍  
舞蛟龍腥風折連枝樹水翻無蒂萍立身多戶  
門何必燕山銘生世不如鳥隼隼比翼翎  
季冬天地閒一作閉萬物生意足我憂長於生安  
得及草木試從古人願致酒歌秉燭燕趙皆世  
人詎能長似玉俯憐老期近仰視日車速蕭颯  
御風君魂夢願相逐百年夜銷半端為垂纓束

鮑溶詩補遺

經舊遊

遊魚懷古池倦鳥懷故窠故山繫念歸行坐青  
巍我羸馬經舊途此鄉喜重過居人無故老倍  
感別日多但見野中墳累累如青螺涼風日搖  
落桑下松婆娑歎息追古人臨川泣東波古人  
無不死歎息欲如何竭來遂遠心默默存天和

過薛舍人舊隱

寢門來哭夜此月小祥初風意猶憶瑟螢光乍  
近書牆花愛露菊池月上鈎魚徒引相思淚涓

涓東逝餘

山居

窈窕垂澗蘿蒙茸黃采一作葛花鴛鴦憐臨作碧

水照影舞金沙

暮秋與裴居晦宴因見採菊花之作

菊花低色過重陽似憶王孫白玉觴今王孫好

收採高天已下兩迴霜

望麻姑山

幽人往往懷麻姑浮世悠悠仙景境一作殊自泛

青鳥不堪使更得蓬萊消息無

湖上望月

湖上清涼月更好天邊旅人猶未歸幾見金波

滿還破艸蟲聲畔露沾衣

秋夜對月寄僧特

憶見特公賞秋處涼溪看月清光寒今夕深溪

又如映特公何處共團圓

望江中一本無江金山寺

一朵蓬萊在世間梵王宮闕翠雲間一作近南

溪水更清淺聞道遊人未忍還

宿青牛谷梁煉師仙居

隨雲步入青牛谷青牛道士留我宿可憐夜久  
月中行惟有壇邊一枝竹

得僧書

身歸紫霄嶺書下白雲來剪笋發寒字燒花芳  
夜雷想隨香馭至不假定鐘催

見袁德侍御說江南有仙檀花因以戲

贈

寄說天壇花耐涼笑風含露對春光欲求御史  
更分別何以衣花歲歲香

和王璠侍御酬友人贈白角冠

芙蓉寒艷鏤冰姿天朗燈深拔豸時好見吹笙  
伊洛上紫烟丹鳳亦相隨

送僧擇棲上二本無遊天台二首

身非居士常多病心爰空王稍覺閒師問寄禪  
何處所浙東一作南青翠沃州山

金嶺雪晴僧獨歸水文霞彩衲一作納禪衣可憐  
石室燒香夜江月對心無是非

上巳日寄樊瓘樊宗憲兼呈上浙東孟

中丞簡

世間禊事風流處鏡裏雲山若画屏今日會稽

王內史好將賓客醉蘭亭

暮春戲贈樊宗憲

羌笛胡琴春調長  
美人何處樂年芳  
野船美酒鴛鴦醉  
宮路板花驥裊狂  
應和朝雲垂手語  
肯嫌夜色斷刀光

酬王侍御

慙非青玉製故以贈仙郎  
希冀留書閣提携在  
筆床詎能輝繡服  
安得似芸香所報何珍重  
清明勝夜光

寄宋申錫評事時送李少師移軍回歸

君逐元侯靜虜歸  
虎旗龍節駐春暉  
欲求岱岳燔柴禮  
已錫魯人縫掖衣  
長劍一時天外倚  
五雲多遶日邊飛  
心期共賀太平世  
去去故鄉親

一作食薇

夏日懷杜棕駙馬

五月清涼蕭史家  
瑤池分水種菱花  
迴文地簾龍鱗浪  
交鏢天窗蟬翼紗  
閒遣青琴飛小雪  
自看碧玉破井瓜  
仍聞聖主知書癖  
鳳閣燒香對五車

雙鷺啣野蝶枝上放雛飛避日花陰語愁風竹  
裏啼須防美人賞為甬好毛衣

上陽宮月

水北宮城夜柝嚴宮西新月影纖纖受環花幌  
小開鏡移燭瑤房皆捲簾學織星邊娥影靜拜  
新衣上露華沾合裁班扇思行幸願託涼風篋  
笥嫌

淮南卧病聞李相夷簡移軍山陽以靖

東寇感激之下因抒長句

太白星前龍虎符元臣出將順天誅教聞清淨

蕭丞相計立安危范大夫玉帳黃昏大刀斗月  
營寒曉小單于魯連未必蹈滄海應見麒麟新  
畫圖

讀淮南李相行營至楚詩

聞外建牙威不賔古來戡難憶忠臣已分舟揖  
歸元老更使熊羆屬丈人玄象合 滄海晏青  
龍喜應太山春來年二月登封禮去台台星扈  
日輪

負海狂鯨縱巨鱗四朝天子阻時巡諂侍侯王



垂南面幾使戎車殷左輪久作妖星虛費日終  
天洞亦何人果聞丞相心中樂上贊陶唐一  
萬春

聞國家將行封禪聊抒臣情

雲雨由來隨六龍玉泥瑤檢不乾封山知禳柞  
新烟火臣望簫韶舊鼓鐘清蹕間遇素王廟翠  
華高映大夫松 中病客諳堯曲身賤何由奏  
九重

和淮南李相公夷簡喜平淄青迴軍之  
作

橫笛臨吹發曉軍元戎幢節拂寒雲搜山羽騎  
乘風引下瀨樓船背水分天際獸旗拂火燄目  
前魚甲動金文馬毛不汗東方靖行見蕭何第  
一勛

秋暮八月十五夜與王璠侍御賞月因

愴遠離聊以奉寄

前月月明夜羨同遠光清塵一以間今夕坐相  
忘風落芙蓉露凝餘繡服香

送蕭世秀才

心交別我西京去愁滿春魂不易醒從此無人

訪窮

一作貧

病馬蹄

一作蹤

車轍草青青

懷惠明禪師

秋天欲霜夜無風我意不在天地中  
雪山世界此涼夜寶月獨照瑠璃宮  
解空長老蓮花手曾以佛書親指授  
雪嶺無人人問來十年夏臘平安否

吳中夜別

楚客秋思着黃葉吳姬夜歌停碧雲  
聲盡燈前各流淚水天涼冷雁離群

隋家井

玉鈎欄下寒泉水金轆轤邊影照人  
此水今為九泉路數一作枝花照數堆塵

寄王璠侍御求蜀箋

蜀川牋紙綠雲初聞說王家最有餘  
野客思將池上學石楠紅葉不堪書

湘妃列女操

此以下詩集不載

有虞夫人哭虞后淑女何事又傷離  
竹上淚跡生不盡寄哀雲和五十絲  
雲和經奏鈞天曲乍聽寶琴遙嗣續  
三湘測測流急綠秋夜露寒蜀帝飛  
楓林月斜楚臣宿更疑川宮日黃昏  
閣携

女手殷勤言環珮玲瓏有無間終疑既遠雙悄  
悄蒼梧舊雲豈難台老猿心寒不可嘯目眇眇  
兮意蹉跎魂騰騰兮驚秋波曲一盡憶再奏衆  
絃不聲且如何

### 羽林行

朝出羽林宮入參雲臺議獨請萬里行不奏和  
親事君王重年少深納開邊利寶馬雕玉鞍一  
朝泛萬騎煌煌都門外祖帳光七貴歌鍾樂行  
軍雲物慘別地簫笳整部曲幢蓋動郊次臨風  
親戚懷滿袖兒女淚行行復何贈長劍報恩字

### 鳴雁行

七月朔方雁心苦聯影翻空落南土八月江南  
陰復晴浮雲繞天難夜行羽翼勞痛心虛驚一  
聲相呼百處鳴楚童夜宿烟波側沙上布羅連  
草色月闇風悲欲下天不知何處容棲息楚童  
胡為傷我神爾不曾作遠行人江南羽族本不  
少寧得網羅此客鳥

### 織婦詞

百日織絲絲一朝停杼機機中有雙鳳化作天  
邊衣使人馬如風誠不阻音徽影響隨羽翼雙

雙繞君飛行人豈願行不怨不知歸所怨天盡  
處何人見光輝

塞上行

西風應時筋角堅承露牧馬水草冷可憐黃河  
九曲盡氈館牢落胡樹一作無影

採珠行

東方暮空海面平驪龍弄珠燒月明海人驚窺  
水底火百寶錯落隨龍行浮心一夜生姦見月  
質龍軀看幾遍擘波下去忘此身迢迢謂海無  
靈神海宮正當龍睡重昨夜孤光今得弄河泊

空憂水府貧天吳不敢相驚動一團水容掌上  
清四面人入光中行騰華乍搖白日影銅鏡萬  
古羞為靈海邊老翁怨狂子抱珠哭向無底水  
一富何須龍領前千金幾葬魚腹一作裏鱗蟲  
變化為陰陽填海破山無景光拊心髣髴失珠  
意此土為甬離農桑飲風衣日亦飽煖老翁擲  
却荆一作雞卵

采葛行

春溪幾回葛花黃黃麝引子山山香蠻女不惜  
手足損鉤刀一一牽柔長葛絲茸茸春雪體深

澗擇泉清處洗殷勤十指蠶吐絲當窓嫋娜聲  
高機織成一尺無一兩供進天子五月衣水精  
夏殿開涼戶冰山繞座猶難御衣親玉體又何  
如杳然獨對秋風曙鏡湖女兒嫁鮫人鮫綃逼  
冗也一作色不分吳中角簟泛清水搖曳勝被三  
素雲自茲貢薦無人惜那敢更爭龍手跡蠻女  
將來海市頭賣與嶺南貧估客

南塘二首

南塘旅客秋淺清夜深綠蘋風不生蓮花受露  
重如睡斜月起動鴛鴦聲

塘東白日駐紅霧早魚翻光落碧潯畫舟蘭棹  
欲破浪恐畏驚動蓮東心

東鄰女

雙飛鷓鴣春影斜美人盤金衣上花身為父母  
幾時客一生知向何人家

寄李都護

去年河上送行人萬里弓旗一武臣聞道玉關  
烽火死犬戎知有外家親

長安旅舍懷舊山

昨夜清涼夢本山眠雲喚鶴有慙顏青蓮道士

長堪羨身外無名至老閑

漢宮詞二首

栢梁宸居清窈窕東方先生夜待詔夜久月當  
承露盤內人鳴笙舞鳳鸞

月映東窓似玉輪未央前殿絕聲塵宮槐花落  
西風起鸚鵡驚寒夜喚人